

Piginneqqaartussaannermik inatsisip Kalaallit Nunaannut atortuulersinneqarnissaaanik peqqussut

UAGUT MARGRETHE AAPPAAT, Guutip Saammaanneratigut Danmarkip Dronningia, nalunaarpugut:

Piginneqqaartussaannermik inatsisip allangortinneqarnissaaanik aamma Den Kulturelle Fondi pillugu inatsisip atorunnaarsinneqarnissaaanut aamma piginneqqaartussaannerup iluani akuersissutit ilaat pillugit inatsimmi (Innarluutilinnut iluaqutissatut ataasiakkaanik sanaartorneq il. il., radiokkut aamma tv-kkut aallakaatitassianik kabelikkut siaruarterineq, videogramminik aamma fonogramminik il. il. attartortitsinermi akiliutitut piomasaaqat tunniunneqarsinnaanngitsoq) nr. 1207, 27. december 1996-imeersumi § 3¹, piginneqqaartussaannermik inatsisip allangortinneqarnissaaanik inatsimmi (Databaset, ilinniartitsinermi atugassanik il. il. ataasiakkaanik digitalimik sanaartorneq, eqqumiitsulianik il. il. assinginik sanaartorneq il. il.) nr. 407, 26. juni 1998-imeersumi § 3², piginneqqaartussaannermik inatsisip allangortinneqarnissaaanik inatsimmi (Nammineq atugassatut ataasiakkaanik digitalimik sanaartorneq, akuersissut isumaqatigiissut il. il.) nr. 472, 7. juni 2001-imeersumi § 3³, piginneqqaartussaannermik inatsisip allangortinneqarnissaaanik inatsimmi (Maleruaqqusap infosoc-ip naammassineqarnera, akuersissutit isumaqatigiissutit nutaat il. il.) nr. 1051, 17. december 2002-meersumi § 3⁴, pillaasarneq pillugu inatsisip, eqqartuussisarnermik inatsisip, pilerisaarineq pillugu inatsisip aamma piginneqqaartussaannermik inatsisip allangortinneqarnissaaanik inatsimmi (It atorlugu pinerlunneq il. il.) nr. 352, 19. maj 2004-meersumi § 6, imm. 3⁵, piginneqqaartussaannermik inatsisip allangortinneqarnissaaanik inatsimmi (Toqqorsiviit, atuagaateqarfut aamma katersugaasiviit kiisalu isigisaqarnikkut aamma atuarsinnaanikkut innarluutillit il. il.) nr. 1440, 22.

¹ Piginneqqaartussaannermik inatsisip allangortinneqarnissaaanik aamma Den Kulturelle Fondi pillugu inatsisip atorunnaarsinneqarnissaaanut aamma piginneqqaartussaannerup iluani akuersissutit ilaat pillugit inatsimmi (Innarluutilinnut iluaqutissatut ataasiakkaanik sanaartorneq il. il., radiokkut aamma tv-kkut aallakaatitassianik kabelikkut siaruarterineq, videogramminik aamma fonogramminik il. il. attartortitsinermi akiliutitut piomasaaqat tunniunneqarsinnaanngitsoq) nr. 1207, 27. december 1996-imeersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

² Piginneqqaartussaannermik inatsisip allangortinneqarnissaaanik inatsimmi (Databaset, ilinniartitsinermi atugassanik il. il. ataasiakkaanik digitalimik sanaartorneq, eqqumiitsulianik il. il. assinginik sanaartorneq il. il.) nr. 407, 26. juni 1998-imeersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

³ Piginneqqaartussaannermik inatsisip allangortinneqarnissaaanik inatsimmi (Nammineq atugassatut ataasiakkaanik digitalimik sanaartorneq, akuersissut isumaqatigiissut il. il.) nr. 472, 7. juni 2001-imeersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

⁴ Piginneqqaartussaannermik inatsisip allangortinneqarnissaaanik inatsimmi (Maleruaqqusap infosoc-ip naammassineqarnera, akuersissutit isumaqatigiissutit nutaat il. il.) nr. 1051, 17. december 2002-meersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunngip peqqussutaatigut nunap immikkoortuinut taakkununga atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

⁵ Pillaasarneq pillugu inatsisip, eqqartuussisarnermik inatsisip, pilerisaarineq pillugu inatsisip aamma piginneqqaartussaannermik inatsisip allangortinneqarnissaaanik inatsimmi (It atorlugu pinerlunneq il. il.) nr. 352, 19. maj 2004-meersumi § 6, imm. 3 imatut allassimavoq: "Inatsimmi § 4 kunngip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

december 2004-meersumi § 3⁶, piginneqqaartussaaneermik inatsisip allannortinneqarnissaanik inatsimmi (Malinnaasinnaatitaanermut akiliut) nr. 1402, 21. december 2005-imeersumi § 3⁷, piginneqqaartussaaneermik inatsisip allannortinneqarnissaanik inatsimmi (Piginneqqaartussaaneermik tunniussineq, piorsarsimassutsikkut kingornussanik digitalinnortitsineq il. il.) nr. 231, 8 april 2008-meersumi § 3⁸, piginneqqaartussaaneermik inatsisip allannortinneqarnissaanik inatsimmi (Kiffartuussinermi maleruqqusap il. il. Naammassinnineq) nr. 510, 12, juni 2009-meersumi § 3⁹, piginneqqaartussaaneermik inatsisip allannortinneqarnissaanik inatsimmi (Pinngorartitsisunik aamma nipinik immiussisartunik illersuinissamat piffissap sivitsorneqarnera, pinngorartitsisup pisinnaatitaaffiinik tunniussinermut isumaqatigiissutip atorunnaarsinneqarnera, pinngorartitsisut ukiumoortumik tapertaralugu akissarsisarnissamat pisinnaatitaaffiat il. il.) nr. 380, 17. april 2013-imeersumi § 4¹⁰, piginneqqaartussaaneermik inatsisip allannortinneqarnissaanik inatsimmi (Sulianik angajoqqaanngitsunik atuinerit ilaat akuerisaasut aamma kabelikkut siararterinerermut atatillugu akuersissutitut isumaqatigiissutit pillugit aalajangersakkap allannortinneqarnera) nr. 741, 25. juni 2014-imeersumi § 3¹¹ aamma piginneqqaartussaaneermik inatsisip allannortinneqarnissaanik inatsimmi (Maleruqqusap Marrakeship naammassineqarnera il. il.) nr. 719, 8. juni 2018-imeersumi § 3¹² malillugit aalajangersarneqarpoq, inatsisit Kalaallit Nunaannut atuutissasut. Taamaalilluni piginneqqaartussaaneermik inatsit Kalaallit Nunaannut atuuppoq imatut allassimalluni:

Kapitali 1

Piginneqqaartussaaneerup pisai imarisaalu

⁶ Piginneqqaartussaaneermik inatsisip allannortinneqarnissaanik inatsimmi (Toqqorsiviit, atuagaateqarfiit aamma katersugaasiviit kiisalu isigisaqarnikkut aamma atuarsinnaanikkut innarluutillit il. il.) nr. 1440, 22. december 2004-meersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunnqip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

⁷ Piginneqqaartussaaneermik inatsisip allannortinneqarnissaanik inatsimmi (Malinnaasinnaatitaanermut akiliut) nr. 1402, 21. december 2005-imeersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunnqip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

⁸ Piginneqqaartussaaneermik inatsisip allannortinneqarnissaanik inatsimmi (Piginneqqaartussaaneermik tunniussineq, piorsarsimassutsikkut kingornussanik digitalinnortitsineq il. il.) nr. 231, 8 april 2008-meersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunnqip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

⁹ Piginneqqaartussaaneermik inatsisip allannortinneqarnissaanik inatsimmi (Kiffartuussinermi maleruqqusap il. il. Naammassinnineq) nr. 510, 12, juni 2009-meersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunnqip peqqussutaatigut nunap immikkoortuinut taakkununga atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

¹⁰ Piginneqqaartussaaneermik inatsisip allannortinneqarnissaanik inatsimmi (Pinngorartitsisunik aamma nipinik immiussisartunik illersuinissamat piffissap sivitsorneqarnera, pinngorartitsisup pisinnaatitaaffiinik tunniussinermut isumaqatigiissutip atorunnaarsinneqarnera, pinngorartitsisut ukiumoortumik tapertaralugu akissarsisarnissamat pisinnaatitaaffiat il. il.) nr. 380, 17. april 2013-imeersumi § 4 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunnqip peqqussutaatigut tamakkiisumik ilaannakortumilluunniit Savalimmiunut aamma Kalaallit Nunaannut atuutilersinneqarsinnaavoq Savalimmiuni imaluunniit Kalaallit Nunaanni pissutsinut naapertuuttunik nikinganeqartillugu."

¹¹ Piginneqqaartussaaneermik inatsisip allannortinneqarnissaanik inatsimmi (Sulianik angajoqqaanngitsunik atuinerit ilaat akuerisaasut aamma kabelikkut siararterinerermut atatillugu akuersissutitut isumaqatigiissutit pillugit aalajangersakkap allannortinneqarnera) nr. 741, 25. juni 2014-imeersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunnqip peqqussutaatigut tamakkiisumik ilaannakortumilluunniit Kalaallit Nunaannut atuutilersinneqarsinnaavoq Kalaallit Nunaanni pissutsinut naapertuuttunik nikinganeqartillugu."

¹² Piginneqqaartussaaneermik inatsisip allannortinneqarnissaanik inatsimmi (Maleruqqusap Marrakeship naammassineqarnera il. il.) nr. 719, 8. juni 2018-imeersumi § 3 imatut allassimavoq: "Inatsit Savalimmiunut aamma Kalaallit Nunaannut atuutinngilaq, kisianni kunnqip peqqussutaatigut tamakkiisumik ilaannakortumilluunniit Kalaallit Nunaannut atuutilersinneqarsinnaavoq Kalaallit Nunaanni pissutsinut naapertuuttunik nikinganeqartillugu."

Suliat illersugaasut

§ 1. Suliamik atuakkiamik eqqumiitsuliamilluunniit saqqummiisoq suliamik taassuminnga piginneqqaartussaavoq, tassaassagaluarpalluunniit oqaluttualiatut atuakkiaatut ilisimasassatulluunniit saqqummersitaq allannikkut oqalunnikkulluunniit ersersitaq, soorlu erinniatut isiginnaagassiatul-luunniit, filmigassatut assiliivilluunniit atorlugu assiliasatut, assiliatut eqqumiitsuliatut, illulioriaatsitut atortutigulluunniit eqqumiitsuliatut, allatulluunniit ersersitaasoq.

Imm. 2. Nunap immalluunniit assingi titartakkallu suliallu allat assiliartalersorlugit imaluunniit kusanasaarlugit suliat nassuiaataasumik pissuseqartut sulianut atuakkianut naatsorsuunneqassapput.

Imm. 3. Suliat qarasaasianut immiussat sulianut atuakkiaatut naatsorsuunneqassapput.

Illersuinerup imarisai

§ 2. Piginneqqaartussaanerup nassatarissavaa, killilersuutit inatsimmi matumani oqaatigineqartut atorlugit, suliap atornissaanut kisermaassisussaaneq taassuma assinginik sanaartornikkut inunnillu tamanit pineqarsinnaatitsilernikkut, saqqummeqqaarneratut allanngukkamilluunniit pissuseqartillugu, nutsiganngorlugu, atuakkioriaatsimut, eqqumiitsulioriaatsimut suleriaatsimulluunniit allamut suliareqqitanngorlugu.

Imm. 2. Assinginik sanaartornertut aamma isigisariaqarput suulluunniit toqqaannartumik toqqaannangitsumilluunniit, utaqqiisaasumik ataavartumilluunniit tamakkiisumik ilaannakuusumilluunniit qanorluunniit isikkoqartillugit aamma qanorluunniit iluseqartillugit assinginik sanaartorerit. Assinginik sanaartornertut aamma isigisariaqarpoq suliap sunut pisatsersuutitut taassuminnga ilisarnarsisitsisinnaasunut nuunneqarnera.

Imm. 3. Suliaq inunnit tamanit pineqarsinnaalersinneqassaaq

- 1) suliap assingi tuniniarneqarpata, attartortinniarneqarpata imaluunniit atukkiunniarneqarpata allatulluunniit inunnut tamanut siaruarneqassappata,
- 2) suliap assingi tamanut ammasumik takutinneqassappata, imaluunniit
- 3) suliaq tamanut ammasumik saqqummersinneqarpata.

Imm. 4. Inunnut tamanut imm. 3, nr. 3 malillugu saqqummiussinertut aamma naatsorsuunneqassaaq

- 1) sulianik silaannakkut atassusikkatut atassusigaanngitsutulluunniit attaveqaatitigut, tamatumani aamma radiukkut fjernsynikkulluunniit tamanut nuussinerit aammalu sulianik inuit kikkulluunniit sumiiffinni piffissanilu namminneq qinigaanni pissarsisinnaanngorlugit atugas-sinerit, aamma
- 2) inuussutissarsiutini sullivimmi tamanut saqqummiussinertut naatsorsuunneqarsinnaanngikkaluamik inunnut amerlajaanut saqqummiinerit.

§ 3. Suliamik pilersitseqqaartup piunasaqaatigaa ileqqup ajunngitsup piunasarisartagaa naapertorlugu suliatut pilersitami assingisut sanaani inunnillu tamanit pineqarsinnaatinneqalernerani atermi nalunaarneqarnissaa.

Imm. 2. Suliaq allanngortinneqassanngilaq inunnilluunniit tamanit pineqarsinnaatinneqalissanani pilersitseqqaartup atuakkiortutut eqqumiitsulioritulluunniit ataqqineqarneranut immikkulluunniit ilisarnaataanut nikanarsaataasumik tamatumunngaluunniit atassuteqartumik.

Imm. 3. Pilersitseqqaartup paragraffi manna naapertorlugu piginnittusnaanini taamaatisinnaanngilaa suliap pissusiatigut annertussusiatigulluunniit killilikkamik atornissaa pineqanngippat.

Suliareqqiinerit

§ 4. Suliamik nutserisoq, nutartereqqiisoq allatulluunniit suliamik suliareqqiisoq, matumani aamma atuakkiamut eqqumiitsuliamulluunniit allamut nuussisoq, suliamut tassunga taamatut isikko-qartillugu piginneqqaartussaavoq, kisianni suliareqqaakkamik piginneqqaartusnaanermut akerliusu-mik pissuseqartillugu taassuminnga atuisinnaanani.

Imm. 2. Suliamut nutaamut immikkuuissumullu, allamik namminersuutigalugu atuinikkut saqqummersinneqartumut, piginneqqaartusnaanermi suliamik atorsimasamik piginneqqaartussaaneeq aalajangiisuussanngilaq.

Suliat ataasinngukkakat

§ 5. Sulianik ataatsimut katiterinikkut imaluunniit suliat immikkuualuttuinik katiterinikkut atuakkiamik eqqumiitsuliamilluunniit suliamik ataasinngukkamik saqqummiisoq taassuminnga piginneqqaartussaavoq, kisianni piginnittusnaanera taanna sulianut ataasiakkaanut taakkununga piginneqqaartusnaanermut millisaataassanngilaq.

§ 6. Suliaq ataaseq inunnit marlunnit arlalinnilluunniit piginneqqaartussaaffiuppat taakkununga ataatsip ilanngussai immikkut sulianngortinneqarsinnaanatik taakku peqatigiillutik suliamik taassuminnga piginneqqaartussaapput. Taakkuli tamarmik immikkut piginnittussaanerup innarlitsaa-lineranut assuarliuteqarsinnaapput.

Piginneqqaartussaanermik pigisaqartutut il.il. ilimagisaq

§ 7. Allamik oqaatigisaqartoqanngippat piginneqqaartussatut isigineqassaaq aqqa aterisuu-saagaaluunniit imaluunniit ilisarnaataa inunnit tamanit ilisimasaasoq pisarnertut sanaap assinginut ivertissimasoq imaluunniit inunnit tamanit pineqarsinnaatinneqalernerani nalunaarneqartoq.

Imm. 2. Imm. 1 naapertorlugu piginneqqaartussaq nalunaarfigineqarnani suliaq naqiterluni saqqummerpat saqqummiussisoq aqqa taaneqartoq, taamaanngippallu naqiterisitsisoq, piginneqqaartussaq sinnerlugu iliorsinnaavoq naqitereqqiinermi taassuma nalunaarneqarnissaata tungaanut.

Tamanut nalunaarutiginninneq saqqummiinerlu

§ 8. Suliaq tamanut nalunaarutigisatut isigineqassaaq akuerisamik inunnit tamanit pigineqar-sinnaatitanngorpat.

Imm. 2. Suliap assingi piginneqqaartusfaatitap akuersineratigut nioqqutinngortinneqarpata allatulluunniit inunnut tamanut siaruarterneqarpata, naqiterluni saqqummikkatut isigineqassaaq.

Pisortatigoortumik allagaatit

§ 9. Inatsisit, allaffissornikkut najoqqutassiat, eqqartuussiviit aalajangiineri pisortallu allagaataat allat piginneqqaartussaataaffiunngillat.

Imm. 2. Imm. 1-imi aalajangersagaq atuutinngilaq sulianut imm. 1-imi taaneqartunut sulianut immikkut ilapittuutitut isikkoqarpata. Sulialli taamaattut allannermut atatillugu issuarneqarsin-naapput. Suli atorneqarsinnaanissaanni aamma maleruagassat allat atuuttut apeqqutaassapput.

Inatsisit allat malillugit illersuinermit tunngasut

§ 10. Assilisassanik inatsit naapertorlugu illersugaanerup piginneqqaartussaaneq ajornarsisis-sanngilaa.

Kapitali 2

Piginneqqaartussaaneq killilersuutai aamma isumaqatigiisuteqarsinnaatitsinerni piginnaatitaaffinnik aqutsineq

Nalinginnaasumik aalajangersakkat

§ 11. Kapitalimi matumani aamma kapitali 6 b-imi aalajangersakkat § 29-p kingunerisassaasa saniatigut piginneqqaartuusup § 3 naapertorlugu pisassaanut millisaataassanngillat.

Imm. 2. Suliaq ataaseq kapitali manna aamma kapitali 6 b naapertorlugu atorneqarpat atorneqarnerata siunertarisaata pisariaqartitsineranit annertunerusumik allanngortinneqassanngilaq. Suliaq tamanut takusassatut issuarneqarpat pinngoqqaarfia ileqqup ajunngitsoq naapertorlugu nalunaarneqassaaq.

Imm. 3. Suliaq ataaseq kapitali manna aamma kapitali 6 b naapertorlugu atorneqarpat § 2-mut akkerliuserisumik suliamik issuaaneq tunngavigalugu imaluunniit § 75 c, imm. 1-imut akkerliuserisumik teknikkikkut peqqussutaasunik sumiginnaaneq tunngavigalugu assinginik sanaartornissaq inerteqqaavaq.

Suliaq assinginik sanaartorallartarneq

§ 11 a. Suliaq assinginik sanaartorallarnissaq akuerineqarsinnaavoq imaattoqarpat

- 1) erniinnaq qaangiuttussat imaluunniit nalaatsornikkut pisut,
- 2) teknikkikkut iliuuseqarnerup ilagippassuk aammalu tamatuma annertunersaata ilagippagu,
- 3) taamaallaat siunertarippagu akunnermiliuttup suliamik allat akornanni attaveqaatitigut assigisaatigullu aallakaatitsisinnalernissaa imaluunniit unioqqutitsinani suliamik atuisinnaalernissaa, aamma
- 4) suliap immikkut nammineq aningaasatigut naleqartuunnginnissaa.

Imm. 2. Imm. 1-imi aalajangersagaq qarasaasiatigut aallakaatitassianut paasissutissanullu toqporterivinnut atuutissanngilaq.

Nammineq atugassanik suliap assinginik suliaqarneq

§ 12. Suliap tamanut nalunaarutigisap assingi ataasiakkaat kimilluunniit nammineq atugasatut suliarineqarsinnaapput suliaritinneqarsinnaallutilluunniit, tamanna inuussutissarsitugineqanngippat. Suliap assingi taamaattut allatut iluaqutiginiarneqassanngillat.

Imm. 2. Imm. 1-imi aalajangersagaq pisinnaatitsissutaassanngilaq

- 1) illuliornissamut,
- 2) eqqumiitsuliap kuitsivimmi kuisilluni assinganik sananissamut, sanaqqaakkap naqitsinikkut allatulluunniit assilinnissaanut taamatut assilisaq sanaqqaakkatut isumaqarfigisassanngorlugu,
- 3) qarasaasianut programmit digital atorlugu assinginik pilersitsinissamut imaluunniit
- 4) suliap allat digital atorlugu assinginik pilersitsinissaq, suliap assinganik pilersitsineq digital atorlugu pilersitsineruppat, imaluunniit
- 5) sulianik allanik qarasaasiatigut programmiunatillu paasissutissaasivinniittuunngitsunik, tamakku nammineq atugassatut imaluunniit illumi inoqutit atugassaattut taamaallaat pissanngippata, digital atorlugu ataasiakkaanik pilersitsineq.

Imm. 3. Imm. 2, nr. 5-imi aalajangersagaq apeqqutaatinnagu piginneqqaartuusoq akuersi-seqqaartinnagu ajornartitaassaaq suliap assinganik atukkamik imaluunniit attartukkamik digital atorlugu assiliortuinissaq.

Imm. 4. Imm. 1-imi aalajangersagaq pisinnaatitsissutaanngilaq assinganik pilersitsinermi allamik suliarinnitsitsinissamut, pineqarpata

- 1) erinniugaq,
- 2) filmiliaq,
- 3) atuakkiat, alla ikiuisoq inuussutissarsiornermut siunertamut peqataappat,
- 4) atortutigut eqqumiitsuliaq imaluunniit
- 5) eqqumiitsuliat, assinganik sananeq eqqumiitsuliornikkut assiliinerussappat.

Imm. 5. Imm. 1-imi aalajangersagaq atuisumut pisinnaatitsissutaanngilaq erinniukkat filmiliallu teknikikkut atortut atuagaateqarfinni, niuertarfiit initaanni allaniluunniit tamanit tikiqqarsin-naasuni tamanut atugassanngortitaasimasut atorlugit assinginik sananissamut. Aamma taamaassaaq atuakkianut tunngatillugu, teknikkikkut atortut inuussutissarsiornissaq siunertaralugu atugassiissu-taasimassappata.

Ilinniartitsinerup iluani assilisanik sananeq

§ 13. Suliap saqqummiunneqarsimasut assingi ilinniartitsinermi atugassatut piliarineqarsinnaapput aammalu suliap radiukku isiginnaarutikkulluunniit aallakaatinneqartut assinginik sanaso-qarsinnaavoq immiussinikkut § 50 malillugu isumaqatigiissuteqarnermi licensimut piunasaqaatit eqquutsinneqarsimappata. Suliap taaneqartut ilinniartitsinerinnarmi § 50-imi isumaqatigiissummi pineqartumut ilaasuni atorneqarsinnaapput.

Imm. 2. Immiussineq pillugu imm. 1-imi aalajangersagaq filmilianut sarsuatitassianut filmer-tarfiit nalinginnaq takutittagaannut ilanngunneqartunut atuutinngilaq isiginnaarutikkut aallakaatitsinermi suliap ilaa minnerusoq kisiat atorneqanngikkaangat.

Imm. 3. Suliap saqqummiunneqarsimasut assinginik sananermut imm. 1-imi aalajangersagaq qarasaasianut programminut digitaliusunut atuutinngilaq.

Imm. 4. Ilinniartitsisut ilinniartullu ilinniartitsinermut atasumik namminneq suliaminnik immiussisinnaapput, tamanna inuussutissarsiornermut atatillugu pinngippat. Immiussat allatut ator-neqartariaqanngillat.

Imm. 5. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piumasqaateqarnerseq apeqquserneqarpat illuatungeriit arlaata apeqqut eqqartuussivinnut suliassanngortissinnaavaa.

Inuussutissarsitut ingerlatsiviit il.il. iluini assilisanik sananeq

§ 14. Pisortat namminersortulluunniit suliffeqarfiutaat, kattuffiit inuussutissarsitutullu ingerlatsiviit suliffeqarfimmik iluani atugassaminnik assinganik naqitsivik (kopimaskine) taamaaqataaluunniit atorlugu aviiisini, atuagassiani sulianilu ataatsimuukkaani suliamut tunngasumik allaaserisanik, suliamut tunngassutilinnik sulianit allanit saqqummiussanit issuaanernik naatsunik aammalu allaaserisamut atatillugu assiliartaliussanik assiliisinnaapput assiliisitsisinnaallutilluunniit § 50 malillugu isumaqatigiissummi pissutissaatitaasut eqquutsinneqarsimappata. Taamatut assiliasat suliffeqarfiup § 50-imi isumaqatigiissummi pineqartunut ilaasup iluaniinnaq atorneqarsinnaapput.

Imm. 2. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piumasqaateqarnerseq apeqquserneqarpat illuatungeriit arlaata apeqqut eqqartuussivinnut suliassanngortissinnaavaa.

Napparsimmaviit il.il. assilisanik sanaavi

§ 15. Napparsimmaviit, paaqqutarisarialinnut angerlarsimaffiit, parnaarussiviit allallu ulloq unnuarlu paaqqinnittarfittut suliffeqarfiit isumaginnittoqarfiup peqqinnissaqarfiullu susassaqarfiisa iluiniittut, pinerluttunik isumaginnittoqarfik taamaaqataallu suliffeqarfimmi najugalinnut il.il. sivikit-sumik atugassanik sulianik radiokkut isiginnaarutikkulluunniit aallakaatinneqartunik immiussisin-naapput. Assiliasat taamaattut suliffeqarfiup iluaniinnaq atorneqarsinnaapput.

Toqqorsivinni, atuagaateqarfimmi katersugaasiviillu assilisanik sanaat

§ 16. Pisortat toqqorsivii, atuakkanik atorniartarfiit tamanut ammasut allallu atuakkanik atorniartarfiit, tamakkiisumik ilaannakuusumilluunniit pisortanit aningaasalersoneqartut, kiisalu naalagaaffiup ataani katersugaasiviit imm. 2-6-imi aalajangersakkanut naapertuuttumik sulinerminni atugassaminnik assilisanik assiliisinnaallutillu siaruarterisinnaapput, tamanna inuussutissarsiorneq siunertaralugu ingerlanneqanngippat. Tamannali digitalinngortitanik qarasaasianik programminut atuutinngilaq qarasaasiakkut pinnguaatit eqqaassanngikkaanni.

Imm. 2. Pisortat suliffeqarfiutaat isumannaallisaaneq illersuinissarlu siunertaralugu assilisanik sanasinnaapput.

Imm. 3. Assilisaq ataaseq pisortat suliffiutaata katersaanni tamakkiisuunngippat immikkoortunik amigaataasunik suliffeqarfik assilisanik sanaartorsinnaavoq, assilisaq nalinginnaasumik niuerfimmi imaluunniit saqqummersitsisumi pissarsiarineqarsinnaappat.

Imm. 4. Atuakkanik atorniartarfiit sulianik saqqummersinneqarsimasunik assilisanik sanasin-naapput, atuakkanik atorniartarfiup katersaataanni pissarsiarineqarsinnaasariaqartut,

kisiannili nali-nginnaasumik niuertarfinni saqqummersitsisumiluunniit pissarsiarineqarsinnaanngitsut.

Imm. 5. Inatsisartut peqqussutaat malillugu atuagaateqarfiit sulianik saqqummersinneqarsimasunik assilisanik sanasinnaapput tunniussisussaataitanermik aalajangernermut naapertuuttumik, piginnittussaataitanerlu tassani akornutaanngilaq.

Imm. 6. Assilisat imm. 3-4 malillugu sananeqarsimasut atuisunut atortinneqarsinnaasariaqarput. Aamma taamaapput imm. 2 malillugu sananeqartut immikkut assilisat. Oqaaseqatigiinni siullerni aappaannilu aalajangersakkat assiliivik atorlugu assiliani aamma digitalinngorlugit nipinilluunniit immiussanit assilisanut atorneqassanngillat.

Imm. 7. Sulianik saqqummersinneqarsimasunik assilisanik atuisinnaanermut piginnaassusiligaaneq imm. 2-mi 4-milu allaqqasut, inatsisit atuuttut allat apeqqutaatillugit atuutsinneqarsinnaavoq.

§ 16 a. Suliat tamanut saqqummiunneqarsimasut § 16, imm. 1-imi taaneqartuni pisortat suliffiutaanni inunnut ataasiakkaanut teknikikkut atortut iluaqutigalugit misissugassanngortinneqarsinnaapput.

Imm. 2. Assilissat, tunniussisussaataitanermut aalajangiinermut naapertuuttumik sananeqarsimasut tunniunneqarsimasulluunniit Atuagaateqarfiit pillugit Inatsisartut inatsisaat malillugu, imm. 1-imi aalangiissut atuukkaluartorluunniit Nunatta Atuagaateqarfiani atukkiussinermi ataatsimi atuisumut ataatsimut taamaallaat atukkiussisoqarsinnaavoq.

Imm. 3. Imm. 2-mi suliffeqarfiup taaneqartup suliat tunniussisussaataitanermik aalajangernermi tunniunneqarsimasut, raatiukkut TV-kkut aallakaatinneqarnikut, filmiliat allatullu elektroniskikkut attaveqatigiittarfitsigut sanaarineqarsimasut atukkiussinnaavaat allatigut pissarsiassaasimanngippat. Sanaat taamaattut siunertanut allanut atorneqaqqusaanngillat.

§ 16 b. Pisortat atuagaateqarfii atuagaateqarfiillu allat, pisortaniit tamakkiisumik ilaannaakuusumilluunniit aningaasalersorneqartut allaaserisanik aviisineersunik, atuagassianeersunik ataatsimoortutullu sulianeersunik, atuakkaniit atuakkiatullu saqqummersitaniit allaniit immikkoor-tunik naannerusunik kiisalu assiliartaniit nuutiniillu oqaasertaliussanut attuumassuteqartunik piunaf-figineqarnikkut assiliisinnaassapput § 50 malillugu isumaqatigiissummi piginnaatitsissutit pillugit piunasaqaatit naammassineqarsimappata. Oqaaseqatigiinni siullerni pineqanngillat radiokkut isigin-naarutikkulluunniit aallakaatitat imaluunniit sulianik kikkunnit tamanit pineqarsinnaanngorlugit sumiiffinni piffissanilu immikkut toqqartukkani atugassiinerit, tak. § 2, imm. 4, nr. 1, titarnerit aappaat.

Imm. 2. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piunasaqaateqarnerisooq apeqquserneqarpat illuatungeriit arlaata apeqquq eqqartuussivinnut suliaasanngortissinnaavaa.

Inuit isigisaqarnikkeut, tusaasaqarnikkeut atuarsinnaanikkekullu innarluutillit il.il.

§ 17. Suliat saqqummiunneqarsimasut assingi issuarneqarsinnaallutillu siaruarterneqarsinnaapput issuarneqartut siaruarterneqartullu tappiitsunut, isigiarsuttunut, tusilartunut oqallorluttunullu aammalu inunnut allanut innarluuteqarneq patsisigalugu allakkianik naqitikkanik

atuarsinnaanngit-sunut immikkut atugassatut suliaappata, kiisalu §§ 17 a-17 e-mi aalajangersakkat atorneqanngippata. Oqaaseqatigiinni siullerni aalajangersagaq atortuutinneqassanngilaq inuussutissarsiutiginiarlugu issuaanernut imaluunniit assiliinikkut siaruarternernut.

Imm. 2. Imm. 1-imi aalajangersakkat atortuutinneqassanngillat naqitat immiunneqarnerinut imaluunniit issuaanernut taamaallaat nipilersukkanik imalinnut.

Imm. 3. Namminersorlutik Oqartussat kommunillu ataanniittut suliffeqarfiit isumaginninnermik suliaqarfiusut, isigiarsuttut tusilartullu atugassaannik sulianik pilersitsisinnaapput radiokkut isiginnaarutikkulluunniit aallakaatinneqartussanik, isumaqatigiissuteqarnikkut piumasaqaatit § 50 naapertorlugu naammassineqarpata. Taamatut immiussat § 50-imi tunngavigineqartumut isumaqatigiissummut ilaasunut suliffeqarfiit iluini taamaallaat atorneqassapput. Oqaaseqatigiit siullit aappaallu §§ 17 a-17 d-imut ilaasunut immikkoortunut atuutinngillat.

17 a. §§ 17 a-17 d-mi paasineqarput:

1) Inuit isimikkut atuarnissakkulluunniit innarluuteqartut: inuit allanik innarluuteqarsinnaaneri apeqqutaatinnagu:

a) tappiitsuusoq;

b) isigisaa annikillisimasoq, iluarsineqarsinnaanani, taamaalilluni inummi taamatut pisinnaasakkut annikillisimasumik isigisaanut naapertuuttumik isigisaqalersinnaalluni, taamaattumillu inuttut taamatut isigisakkut annikillisimangitsutut sulianik naqinneqarsimasunik atuarsinnaanani;

c) tigusinissamut atuarsinnaanermulluunniit innarluuteqarneq, taamaattumillu inuttut taamatut innarluuteqanngitsutulli sulianik naqitanik atuarsinnaanani, imaluunniit

d) arlaatigut timikkut innarluuteqarneq pissutigalugu atuakkamik tigungmiaqarsinnaanngitsoq imaluunniit isumaginnissinnaanngitsoq imaluunniit nalinginnaasumik atuarsinnaasunngorluni aallus-sisinnaanani imaluunniit isini nikisissinnaanagit.

2) Ilusit (formater) pissarsiarineqarsinnaasut: suliat allatut imaluunniit allatut ilusilerlugit saqqummiunneqartut, inuk isimigut atuarsinnaanermigulluunniit innarluutilik nr. 1-imi taaneqartutut inuttut pisinnaasamigut ajoquteqanngitsutulli innarluuteqanngitsutulli ajornanngitsumik iluarisaminillu sulianut periarfissaqartoq.

3) Immikkoortut piginnaatitsisut: immikkoortoq den Europøiske Unionip iluani naalagaaffimmi ilaasortaasumi imaluunniit Kalaallit Nunaanni ilinniartitsinissamut, atuartitsinissamut, tulluarsarneqartumik atuarnissamut akuerisaasimasoq imaluunniit inuussutissarsiutiginiarlugu inunnut isigisamikkut atuarsinnaanermikkulluunniit innarluutilinnut paasissutissiisinnaasoq. Tassani aamma ilaapput pisortat suliffiutaat imaluunniit aningaasarsiutiginiarlugu kattuffiit inunnut isigisamikkut atuarsinnaanermikkulluunniit innarluutilinnut pingaarnertut suliassamittut imaluunniit pisortat pisussaaf-fiattut sullissisuusut imaluunniit nalinginnaasumik suliassamik ilaattut.

§ 17 b. §§ 17 c – 11 e atuakkanut, atuagassianut, aviisinut allatulluunniit allatanut, ilisimatitsissutinut taakkunungalu atasunik saqqummersitanut sunulluunniit tamanut saqqummiussanut sulianut atorneqarput.

§ 17 c. Inuk isigisamigut atuarsinnaanikkulluunniit innarluutilik, imminut sinnerluni iliuuseqartoq, ilusitik pissarsiarineqarsinnaasunik sanasinnaavoq. Ilusit pissarsiarineqarsinnaasut

taamaal-laak inunnit isigisamikkut atuarsinnaanermikkulluunniit innarluuteqartunit atorneqarsinnaapput.

Imm. 2. Immikkoortoq piginnaatitaasoq inunnut isigisamikkut atuarsinnaanermikkulluunniit innarluuteqartunut danskit naalagaaffiata iluani allanut ilusinik pissarsiarineqarsinnaasunik sanasinnaavoq, nuussisinnaavoq, atugassanngortitsisin-naavoq, siaruarterisinnaavoq imaluunniit atorniaritsisinnaavoq. Oqaaseqatigiit suilliit malillugit ilutsit inunnut isiginiarnermikkut atuarsinnaanermikkulluunniit innarluutilinnut atugassat aningaasannan-niutigineqassanngillat.

Imm. 3. Inuk isiginiarnikkut atuarsinnaanikkulluunniit innarluutilik imaluunniit immikkoor-toq piginnaatitaasoq, atugassanngortinneqartunik, siaruartinneqartunik imaluunniit atortitassanngortinneqartunik ilusinik pissarsiarineqarsinnaasunik pissarsisinnaallunilu periarfissaqassaaq danskit naalagaaffiata iluani .

Imm. 4. Imm. 1-3 isumaqatigiissuteqarnikkut saneqqunneqarsinnaanngillat.

§ 17 d. Kalaallit Nunaanni pilersinneqarsimasoq immikkoortoq piginnaatitaasoq, § 17 c, imm. 2, piginneqqaartussaataitaasoq taarsuiffigineqarnissamut piumasaqarsinnaavoq, taamaattorli tak. imm. 2, pkt. 1, oqaaseqatigiit suilliit atorneqassanatik ajoqusiineq piginneqqaartussamut annikitsuaraappat.

Imm. 2. Taarsiisoqassanngilaq immikkoortorq piginnaatitaasoq Kalaallit Nunaanni pilersin-neqarsimasoq taamaallaat inunnit isigisamikkut atuarsinnaanermikkullu innarluutilinnit atorneqartus-sanik immikkoortutut allasimasunik imaluunniit allatut iluseqartunik pissarsiarineqarsinnaasunik sanasimappat, nuussisimappat, periarfissiisimappat, siaruarterisimappat atorniaritsisimappalluunniit.

Imm. 3. Imm. 1 malillugu taarsiisoqarnissaa pillugu isumaqatigiittoqanngippat illuatungeriit arlaata apeqqut eqqartuussivinnut suliassanngortissinnaavaa.

Imm. 4. Namminersorlutik Oqartussat kommunillu ataanniittut suliffeqarfiit isumaginnin-nermik suliaraqarsiusut, isigiarsuttut tusilartullu atugassaannik suliarnik pilersitsisinnaapput radiokkut isiginnaarutikkulluunniit aallakaatinneqartussanik, isumaqatigiissuteqarnikkut piumasaqaatit § 50 naapertorlugu naammassineqarpata. Taamatut immiussat § 50-imi tunngavigineqartumut isuma-qatigiissummut ilaasunut suliffeqarfiit iluini taamaallaat atorneqassapput

*Allaaserisat assigiimmik sammisaqarfiusut naleqatigiissulluunniit
ilinniartitsinermik ingerlatsinermi il.il. atugassatut piliarineqarnerat*

§ 18. Atuakkiat erinniukkallu immikkuualuttui annikitsut sulialluunniit taama ittut anner-tunngitsut suliarnik pilersitseqqaartut amerlanerusut suliarnik ataatsimuukkaatut katitikkani ilanngus-saat atuartitsinermi atugassatut tiguneqarnissaat akuerisaavoq ukiup suliap saqqummerfigisaata qaa-ngiunneranit ukiut tallimannorneratigut. Oqaasertaliussanut atatillugit eqqumiitsuliat nassuiaataa-sumillu suliarnik, tak. § 1, imm. 2, aamma issuarneqarsinnaapput ukiup taakkua tamanut nalunaaruti-gineqarfigisaata kingornagut ukiut tallimat qaangiunneratigut. Suliarnik pilersitseqqaartoq akissarsias-saminik piumasaqartussaavoq. Akissarsiap annertussusissaa

isumaqatigiissutigineqarsinnaanngippat illuatungerisat arlaata apeqquq eqqartuussivinnut suliassanngortissinnaavaa.

Imm. 2. Sulianut atuartitsinermik ingerlatsinermi atugassatut suliaasunut imm. 1-imi aalajangersagaq atuutissanngilaq imaluunniit inuussutissarsiuutigalugu atugassanngortinneqarpat.

Imm. 3. Taallat erinarsugassat naqitigaareersut ataasiakkaat erinarsuutini kakkersakkani minnerusuni ataatsimiinnermi aalajangersimasumi ataatsimi atugassanngorlugit issuarneqarsinnaap-put. Taamaattoq erinarsuutit kakkersakkat ataasiakkaat 300-nit amerlanerusunngortinneqassanngillat.

Assilisat siaruarterneqarnerat

§ 19. Suliap assilina suliamik pilersitseqqaartup akuersereerneratigut tunineqarpat allatulluunniit allanut tunniunneqarsimappat assilisaq siaruarterneqarsinnaavoq.

Imm. 2. Imm. 1-imi aalajangersagaq apeqquataatinnagu suliamik pilersitseqqaartoq akuersereertinnagu suliap assingi attartortitsinikkut inunnit tamanit pineqarsinnaalersinneqassanngillat. Tamannali atuutissanngilaq illorsualianut pigisatigullu eqqumiitsulianut.

Imm. 3. Imm. 1-imi aalajangersagaq apeqquataatinnagu suliamik pilersitseqqaartoq akuersereertinnagu filmiliat assingi aamma qarasaasianut programmit digitali atorlugu suliap assingi attartortitsinikkut inunnit tamanit pineqarsinnaalersinneqassanngillat. Tamannali atuutissanngilaq qarasaasianut programmi digital atorlugu suliap atuakkiap immikkoortorippagu taassumunngalu ilanngullugu atukkiunneqarpat.

Imm. 4. Imm. 1-imi aalajangersagaq atuagaateqarfimmiittuuteqarnermut akissarsiat pillugit inatsisartut peqqussutaat malillugu akissarsisinnaanermut il.il. killiliisuunngilaq.

Assilisat takutinneqarnerat

§ 20. Suliap saqqummiunneqarsimappat imaluunniit eqqumiitsuliap assinga suliamik pilersitseqqaartumit allanut tunniunneqarsimappat saqqummiunneqartut assilluunniit tunniunneqartut tamanut takutinneqarsinnaapput.

Tamanut saqqummiineq

§ 21. Suliap saqqummigaareersoq isiginnaartitsisarfimmi isiginnaagassiaanngitsoq filmigas-saanngitsorluunniit inunnut tamanut saqqummerneqarsinnaavoq

- 1) pisoqarfinni tusarnaartut isiginnaartulluunniit akiliinatik peqataasinnaatitaaffini, sulissutigineqartumi pineqartumi pingaarnersaanngippat inuussutissarsiuutaanissaalu siunertaanngippat, aamma
- 2) saqqummiineq naalagiarnermi atuartitsinermiluunniit pippat.

Imm. 2. Imm. 1, nr. 2-mi aalajangersagaq atuutissanngilaq radiokkut isiginnaarutikkulluunniit saqqummiinermut aammalu ilinniartitsinermik sulinermi inuussutissarsiuuteqarnissaq siunertaralugu pisumi saqqummiinermut.

Issuaaneq

§ 22. Ajunngitsumik ileqqoqarnej naapertorlugu siunertarisamillu annertunerunngitsumik suliamit tamanut saqqummiussamit issuaanissaq akuerisaavoq.

Eqqumiitsulianik il.il. issuaaneq

§ 23. Eqqumiitsuliat suliallu nassuaataasumik pissuseqartut, tak. § 1, imm. 2, tamanut saqqummiunneqarsimasut suliani isornartorsiutini ilisimatusaatinilu oqaasertaannut atatillugit issuarneqarsinnaapput ajunngitsumik ileqqoqarnej naapertorlugu siunertarisamiillu annertunerunngitsumik. Issuaaneq inuussutissarsiutitut issuaanerussanngilaq.

Imm. 2. Eqqumiitsuliat tamanut saqqummiunneqarsimasut ulluni pisimasunik eqqartuinikkut aviisini atuagassianilu issuarneqarsinnaapput ajunngitsumik ileqqoqarnej naapertorlugu siunertarisa-miillu annertunerunngitsumik. Oqaaseqatigiinni siullerni aalajangersagaq sulianut aviisini atuagassia-niluunniit assilineqarnissaat siunertaralugu saqqummiussanut atuutinngilaq.

Imm. 3. Eqqumiitsuliaq eqqumiitsulialluunniit assingi saqqummiunneqarsimasut suliamillu pilersitseqqaartumit allanut tunniunneqarsimasut aviisini, atuagassiani, filmi isiginnaarutikkullu issuarneqarsinnaapput issuaaneq tamanna pineqartumi pingaaruteqarnerunngikkaangat.

§ 24. Eqqumiitsuliat katersugaatinut ilaasut imaluunniit saqqummersitat tuniniagassanngor-tinneqartulluunniit katersugaatit pillugit katalogini aammalu saqqummersitsinissamik tuniniaanissa-milluunniit nalunaarutini assilineqarsinnaapput. Eqqumiitsuliat taamatut ittut saqqummersitsineq tuniniaanerluunniit pillugu nalunaarutini aamma issuarneqarsinnaapput, matumani inuinnarnut nuussinermi.

Imm. 2. Eqqumiitsuliat assilineqarsinnaapput illoqannginnersani aqqusinerniluunniit inuit tamat tikittagaanni siviisuumik saqqumisimagunik. Eqqumiitsuliaq pingaarnersaalluni takusassiaappat assilineqarneralu inuussutissarsiutitut iluaqutiginiarneqarpat oqaaseqatigiinni siullerni aalajangersagaq atuutissanngilaq.

Imm. 3. Illorsuliat piumasamik assilineqarsinnaapput.

§ 24 a. Eqqumiitsuliat tamanut saqqummiussat assilineqarsinnaapput § 50 malillugu licensimik isumaqatigiissummi piumasaqaatit naammassineqarpata. Tamannali atuutissanngilaq peqataa-sunik isumaqatigiissuteqarfusut arlaannut piginneqqaartussaasoq suliap assilineqarnissaanut inerteq-quteqarsimappat.

Imm. 2. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginannngitsunik piumasaqaateqarnerasoq apeqquuserneqarpat illuatungeriit arlaata apeqqut eqqartuussivinnut suliassanngortissinnaavaa.

Ullormut pisimasunik nutaarsiassatut ilanngussineq

§ 25. Suliamik ataatsimik saqqummiineq takutitsinerluunniit ullormut pisimasut ilaannut ilanngunneqassappat taannalu radiokkut oqaatigineqassappat, filmikkut isiginnaarutikkulluunniit takutinneqassappat suliaq ilanngunneqarsinnaavoq ullormut pisimasup ilanngunneqarneranut pissu-sissamisoortutut ilaatinneqarpat.

Tamanut ammasumik ataatsimiinnerit, paasitinneqarsinnaatitaanerit il.il.

§ 26. Folketingimi, Inatsisartuni kommunalbestyrelsini aamma nunaqarfinni aqutsisuni pisortanilu allani inunnit qinigaasuni, eqqartuussisut suliaanni aammalu apeqqutit tamanut tunngasut oqaluuseriniarlugit ataatsimiinnerni tamanut ammasuni oqaloqatigiissutit suliamik pilersitseqqaartoq akuersitinnagu issuarneqarsinnaapput. Suliamilli pilersitseqqaartoq nammineq oqaaserisani kater-sorlugit naqiterisitsinissamut kisermaassisussaataavoq.

§ 27. Suliat assingi inatsit manna malillugu illersugaasut pisortani oqartussanut taassuma ingerlatsineranut atasumik apuunneqarsimappata suliat assinginik tamakkuninnga allat paasitinneqarnissaminnik piunasaqarnerannut, matumani aamma assilineranik nuutsinneranilluunniit piunasaqarnerannut, tamanna pillugu inatsisiliani aalajangersakkat naapertorlugit, piginneqqaartussaa-titaaneq akornutaassanngilaq. Sulianut pisortani oqartussat pineqartut piliaannut tamanna aamma atuuppoq.

Imm. 2. Toqqortat pisortat toqqorsiviannut tunniunneqarsimasut toqqorsiviit pillugit inatsisip tamanna pillugu aalajangersagai, matumani aamma toqqorsiviit pillugit Namminersorlutik Oqartussat inatsisiliaat, naapertorlugit inunnit tamanit tikinneqarsinnaatitaalernissaannut piginneqqaartussaa-titaaneq akornutaassanngilaq. Taamaattoq inuit namminneq toqqortaataannit, toqqorsiviit Namminersorlutik oqartussat inatsisiliorfigisinnaasaasa avataanniuttut pillugit, issuakkat tunniunne-qarsinnaanatillu assilineri piliarineqqaqusaanngillat.

Imm. 3. Suliat imm. 1 imaluunniit 2 naapertorlugit tikinneqarsinnaatitaasut imaluunniit taakku issuarneri nuutinneriluunniit tunniunneqarsimasut annertunerusumik atorneqarsinnaanis-saannut maleruagassat allat atuuttut aalajangiisuussapput.

§ 28. Siunertaq apeqqutaatillugu

- 1) eqqartuussisut suliaannut aamma allaffissornikkut ataatsimiititani taamaaqataannilu sulia-nut, aamma
- 2) pisortat oqartussaanni suliffeqarfinnilu Folketingip imaluunniit Inatsisartut ataanni inissi-simasuni suliaassanik suliarinninnermut atatillugu suliat issuarneqarnissaat akuerisaavoq.

Imm. 2. Annertunerusumik atuinissami maleruagassat allat atuuttut aalajangiisuussapput.

Illunik aamma pigisatigut eqqumiitsulianik allannguineq

§ 29. Suliamik pilersitseqqaartoq akuersiteqqaarnagu illut teknikimut tunngasut pissutigalugit atorluarsinnaanerunissaalluunniit eqqarsaatigalugu piginnittumit allanngortinneqarsinnaapput.

Imm. 2. Pigisat atortorisat suliamik pilersitseqqaartumit akuerineqanngitsumik piginnittumit allanngortinneqarsinnaapput.

Radio isiginnaarullu pillugit immikkut aalajangersakkat

§ 30. Kalaallit Nunaata Radioata suliat saqqummiunneqarsimasut radiokkut isiginnaarutikkulluunniit aallakaatissinnaavai § 50 malillugu isumaqatigiissutini patsisissaatitaasut eqquutsinneqarsimappata. Oqaaseqatigiinni siullerni aalajangersagaq isiginnaagassianut filmigassianullu atuutinngilaq.

Imm. 2. Imm. 1 naapertorlugu suliap aallakaatinneqarnissaa suliamik pilersitseqqaartup radiomik isiginnaarummillu suliaqarfimmut inertequtigisinnaavaa.

Imm. 3. Imm. 1-imi 2-milu aalajangersakkat radiomik isiginnaarummillu suliaqarfimmut allanut isumaqatigiissuteqarfiusimasunut taamatulli atortinneqarnissaat kulturministerip aalajangersarsin-naavaa.

Imm. 4. Imm. 1-imi aalajangersagaq aamma atorneqassaaq suliamik pilersitseqqaartup suliap assinga ataaseq arlallilluunniit allanut tunniussimappagit.

Imm. 5. Imm. 1-imi oqaaseqatigiinni siullerni aalajangersagaq atuutinngilaq radiokkut isiginnaarutikkullu aallakaatitanut qaammataasakkoortunut peqatigisaanik aallakaatitsissutit nuna-miittut atorlugit radiomik isiginnaarummillu suliaqarfik pineqartoq aallakaatitsinngippat.

Imm. 6. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginngitsunik piumasqaateqarnersoq apeqquserneqarpat illuatungeriit arlaata apeqqut eqqartuussivinnut suliaassanngortissinnaavaa.

§ 30 a. Suliat tamanut saqqummiussat, KNR-ip nammineq aallakaatitassiaani ilanngunneqartussat, KNR-imit aallakkateqqinneqarsinnaallutillu sumiiffinni piffissanilu immikkut toqqartukkani tamanit pineqarsinnaanngorlugit atugassiussutaasinnaapput, tak. § 2, imm. 4, titarnerit aappaat, isumaqatigiissummi § 50 malillugu patsisissaatitat eqquutsinneqarsimappata. Oqaaseqatigiinni siullerni aalajangersagaq taamatulli atortuutinneqassaaq assinginik pilersitsinermut, issuaanissaq pillugu pisariaqartinneqartunut. Oqaaseqatigiinni siullerni aappaannilu aalajangersakkat taamaallaat atuutissapput sulianut, aallakaatitassiani 1. januar 2007 sioqqullugu aallakaatinneqareersimasuni ilaatinneqartussanut.

Imm. 2. Imm. 1 naapertorlugu suliap aallakaatinneqarnissaa suliamik pilersitseqqaartup radiomik isiginnaarummillu suliaqarfimmut inertequtigisinnaavaa.

§ 31. Radiomik imaluunniit isiginnaarummik suliaqarfiit aallakaatitsinerminnut atugassaminnik sulianik immiussissummut, filmimut sakkumulluunniit allanut tamakkuninnga issuaasinnaasumut immiussisinnaapput sulianik pineqartunik aallakaatitsisinnaatitaanerminnik tunngavissaqarlutik. Suliat taamatut immiussat inunnut tamanut pineqarsinnaatitaalernissaannut maleruagassat allat atuuttut aalajangiisuussapput.

Imm. 2. Taamatut immiussinissamut taakkulu atorneqarnissaannut paarineqarnissaannullu piumasqaatit pillugit maleruagassat erseqqinnerusut kulturministerip aalajangersarsinnaavai.

§ 32. Oqallinnernik apeqqutit tamanut tunngasut oqallisigineqarfigisaannik radiokkut isiginnaarutikkullu aallakaatitsinerit pilersitseqqaartoq akuersiseqqaartinnagu issuaavigineqarsin-

naapput. Pilersitseqqaartuusorli nammineq oqaaserisani katersorlugit naqiterisitsinissamut kisermaas-sisussaatitaavoq.

§ 33. Suliat radiokkut isiginnaarutikkulluunniit aallakaatinneqartut immiussissummut, filmi-mut sakkumulluunniit allamut tamakkuninnga issuaasinnaasumut immiunneqarsinnaapput Statens Mediesamling-imilu kiisalu Kalaallit Nunaata Atuagaateqarfiata Groenlandica-mi katersugaataani paarineqassallutik, aallakaatitaq qularnaateqanngitsumik uppersaataissalittut naleqarpat. Medie-samling aamma Groenlandica-mik katersugaatit aallakaatit assinginik ataasiakkaanik sanasin-naapput isumannaallisaaneq illersuinissarlu siunertaralugit aammalu ilisimatusarnermi atugassatut. Annertunerusumik atuisinnaatitaanissamut maleruagassat allat atuuttut aalajangiisuussapput.

Imm. 2. Imm. 1-imi aalajangersakkap pisortat toqqorsiviinut allanut taamatullu atortinneqarnissaa kulturministerip aalajangersarsinnaavaa.

§ 34. Radiomik imaluunniit isiginnaarummik suliaqarfiit piuaaffigineqarnertik malillugu radiomi isiginnaarummilu aallakaatit immiunneqarnerannik inunnut suliffeqarfinnullu aallakaatitani pineqartuni peqataasimasunut imaluunniit aallakaatitami aalajangersimasumi eqqartuinikkut ima-luunniit aallakaatitap pineqartup tamanut ammasumik eqqartorneqarnerani innarlerneqarsimasutut isumaqarfigisunut tunniussisinnaapput. Immiussat oqaaseqatigiit siulliit naapertorlugit tunniunneqartut nammineq atugassatut taamaallaat atorneqassapput.

§ 35. Suliat radiokkut isiginnaarutikkulluunniit silaannakoorlugit aallakaatinneqartut kabel-eqarfiit aqputigalugit ataatsikkut allanngortinnagillu aallakaatinneqarsinnaapput taamatullu radiokkut atortut iluaqutigalugit inunnut tamanut aallakaateqqinneqarsinnaallutik § 50 malillugu isumaqati-giissutini patsisissaatitaasut eqquutsinneqarsimappata. Pisinnaatitaaffinnut radiumik imaluunniit isiginnaarummik suliaqarfiit pigisaqarfigisaannut oqaaseqatigiinni siullerni aalajangersagaq atuutin-ngilaq.

Imm. 2. Suliat radiokkut isiginnaarutikkulluunniit silaannakoorlugit aallakaatitanut ilaasut nammineq antennikkoorlugit tigoorneqartut kabel-eqarfiit marlunnit amerlanerunngitsunit attavi-gineqartut aqputigalugit imm. 1-imi aalajangersagaq apeqqutaatinnagu aallakaateqqinneqarsin-naapput.

Imm. 3. Atortumik imm. 1-imi taaneqartut ittumik piginnittup akisussaaffigaa radiokkut isiginnaarutikkullu aallakaatitassianik atortukkut aallakaatitseqqinnissamut isumaqatigiissuteqarnissaq. Akissarsiarititassaq imm. 1 naapertorlugu isumaqatigiissutaasoq malillugu imaluunniit § 48, imm. 1 malillugu eqqartuussiviit aalajangiinerannut naapertuuttumik piginnittup akiligassaa attaveqartumut ataatsimut aningaasanngorlugu aalajangersagaappat attavimmuut ataatsimut atuisup pisussaaffigaa aningaasat taakku amerlaqataasa piginnittumut akilernissaat.

Imm. 4. Suliat radiokkut isiginnaarutikkulluunniit aallakaatinneqartut, imm. 1-imi aalajangerneqartumit allaaneruseqarsinnaapput, isumaqatigiissummi § 50 malillugu piuaasaqaatit naammassineqarpat. Suliaq assinginik sananeq sumiiffinnilu piffissamilu immikkut toqqarneqartuni inuinnaat iserfigisinnaasaanni sulianik periarfissiineq, tak. § 2, imm. 4, nr. 1, aallakaatitsinermut piffissatigut atassuteqartumik pissaaq.

Imm. 5. Suliat radiokkut isiginnaarutikkulluunniit ingerlatsisumi imatut atugassanngortineqartut sumiiffinni piffissamilu immikkut toqqarneqartuni inuinaat iserfigisinnaasaanni, tak. § 2, imm. 4, nr. 1, allanit imatut periarfissiissutaassapput sumiiffinnilu piffissami immikkut toqqarneqartuni inuinaat iserfigisinnaasaanni, tak. § 2, imm. 4, nr. 1, periarfissiineq radiukkut isiginnaarutikkulluunniit ingerlatsisutulli piffissami ingerlanneqarpat aamma isumaqatigiisummi § 50 malillugu piumasaaqatit naammassineqarsimappata. Assinginik sananeq, periarfissiinissamut pisariaqartinneqartunik periarfissaavoq.

Imm. 6. Imm. 4-imi aamma 5-imi aalajangersakkat atuutissanngillat, suliap atorneqarnissaanut piginneqqaartussaataaasoq isumaqatigiisummi peqataasut arlaannut inerteqquteqarsimappat. Aala-jangersakkat pisinnaatitaaffinnut radiumik isiginnaatikkulluunniit ingerlatsisunit pigineqartunut atuutinngillat.

Imm. 7. § 50, imm. 4 malillugu kattuffik imm. 4 imal. 5 malillugu ilaasunik isumaqatigiisusiorsinnaanermut akuerisaanersoq apeqquserneqarpat, illuatungeriit arlaata apeqqut eqqartuussivinnut suliasanngortissinnaavaa.

Qarasaasianut programmit il.il. pillugit immikkut aalajangersakkat

§ 36. Kinaluunniit qarasaasianut programmimik atuinissamut pisinnaatitaasoq

- 1) programmip assinginik taamaattunik sanasinnaatitaavoq programminilu allannguisinnaalluni taassuma siunertaa malillugu pineqartup atuinissaanut pisariaqartumik, matumanittaaq kuk-kunernik iluarsisinnaalluni,
- 2) programmip assinganik sillimasiorsinnaavoq taassuma atornissaanut tamanna pisariaqarpat, aamma
- 3) qarasaasiamut programmi qimerloorsinnaallugu, misissorsinnaallugu misilissinnaalluguluunniit programmip immikkuualuttuinut ataasiakkaanut isumassarsiat tunngavigisallu nalor-ninaalliniarlugit taamaaliernerlu programmimik atuaanikkut, skærmikkut takunninnikkut, ingerlatitsinikkut, nuussinikkut, toqqorsinikkut taamaaqataanilluunniit pineqartup suliarinis-saanut pisinnaatitaaneratul pippat.

Imm. 2. Kinaluunniit databasemik atuisinnaatitaasoq iliuseqarsinnaavoq pineqartup databasep imarisaanut isersinnaanissaanut nalinginnaasumillu taassuminnga atuinissanut pisariaqartumik.

Imm. 3. Imm. 1, nr. 2-mi 3-milu kiisalu imm. 2-mi aalajangersakkat isumaqatigiissuteqar-nikkut sanioqqunneqarsinnaanngillat.

§ 37. Qarasaasianut programmip kodeanik assiliinissaq aamma kodep ilusaanik nutserinissaq akuerisaappat tamanna, qarasaasianut programmip immikkoortillugu ineriartortitap aamma qarasaasianut programmit allat akornanni ingerlaqatigiilersitsisnaanissamut paasissutissat pisariaqartut pissarsiarinissaannut tunngavissaappat aammalu

- 1) suliaq akuersissummik pigisaqartumit inummilluunniit allamit qarasaasianut programmip assinganik atuinissamut pisinnaatitaasumit, imaluunniit taakku sinnerlugit inummit taamaali-orsinnaatitaasumit suliarineqarpat

- 2) ingerlaqatigiilersitsisinnaanissamut paasissutissat pisariaqartut inunnit nr. 1-imi taaneqartunit ajornangitsumik sukkasuumillu siusinnerusukkut pissarsiarineqarsinnaasimangippata, aamma
- 3) suliaq qarasaasianut programmip ingerlaqatigiilersitsisinnaanissamut pisariaqartup pioqqaar-tup immikkuualuttuunut killiligaappat.
Imm. 2. Imm. 1-ip atorneqarneranut atatillugu paasissutissat pissarsiarineqartut
- 1) qarasaasianut programmip immikkoortillugu ineriartortitap ingerlaqatigiilersissinnaanissaanut siunertanut allaasunut atorneqassanngillat,
- 2) inummut allamut tunniunneqassanngillat, tamanna qarasaasianut programmip immikkoortillugu ineriartortitap ingerlaqatigiilersissinnaanissaanut pisariaqartinneqanngippat, imaluunniit
- 3) qarasaasianut programmimik pioqqaartumut annertuumik assingussuteqartumik ineriartortit-sinissamut, sananissamut nioqputiginiagassatulluunniit allatulluunniit iliuuseqarluni suliamik pilersitseqqaartuunermik innarliisumik atorneqassanngilaq.
Imm. 3. Imm. 1-imi 2-milu aalajangersakkat isumaqatigiissuteqarnikkut sanioqqunneqarsinnaanngillat.

Eqqumiitsuliat inuussutissarsiutitut tuniniaqqinneqarneranni akissarsiat

§ 38. Eqqumiitsuliat assingisa inuussutissarsiutitut tuniniaqqinneqarneranni tunisinermi akip 5 %-ianik suliamik pilersitseqqaartoq akissarsiassaminik piumasaqartussaavoq.

Imm. 2. Imm. 1-imi aalajangersakkami pineqanngillat illorsualiat. Pigisatigut eqqumiitsuliatut suliat pineqanngillat assingi assigiaat arlalinngorlugit sananeqarsimappata.

Imm. 3. Akissarsiassap naatsorsorneqarnissaa pillugu maleruagassat erseqqinnerusut, matumani aamma tunisinermi akip appasinnerpaaffissaa akissarsiaqarsinnaatitaanissamik nassataqartusaq, kulturministerip aalajangersarsinnaavai.

Imm. 4. Akissarsiaqarsinnaatitaaneq atajuassaaq piginneqqaartussaataitaanerup naanissaata tungaanut, tak. § 63. Pisinnaatitaaneq inummut tunngavoq allanullu tunniunneqarsinnaanani. Suliamilli pilersitseqqaartup toqoreneratigut pisinnaatitaaneq suliamik pilersitseqqaartup katissimallugu aapparisaanit kingornussisussaanillu kingornunneqassaaq. Suliamik pilersitseqqaartoq katissimallugu aapparisaaminik kingornussisussanillu qimataqanngippat akissarsinnaatitaaneq kattuffimmut imm. 5-imi taaneqartumut tutsinneqassaaq.

Imm. 5. Akissarsinnaatitaaneq taamaallaat atuutsinniarneqarsinnaavoq kattuffimmit Naalak-kersuisunit akuerineqarsimasumit. Kattuffiup akileeqqusinissaq pisussaataitaasunullu agguaaassinissaq isumagissavaa. Pisussaataitaasup kattuffimmut piumasaqarsinnaanera ukiup tuniseqqiffiusup kingorna ukiut pingasut qaangiunnissaasa tungaanut atassaaq. Pisoqalisoorsinnaanera unitsinneqassaaq pisis-saatitaasup allakkatigut piumasaqaateqarneratigut.

Imm. 6. Imm. 1-imi taaneqartutut inuussutissarsiutitut tuniniaqqinnermi tuniniaasooq pisussaavoq eqqumiitsuliat tuniniarneqarnerat pillugu ukiumoortumik naatsorsuutit naatsorsuutitik kukkunersiuisumit naalagaaffimmit akuerisamit imaluunniit naatsorsuutitik kukkunersiuisumit nalu-naarsorneqarsimasumit uppernarsarneqarsimasut kattuffimmut imm. 5-imi taaneqartumut nassiun-nissaannut.

Imm. 7. Suliami suliarinninnermi suliffeqarfiup akuerineqarnissaanut imm. 5-imi eqqaaneqartumut tunngassutilimmi, Kulturministeri sukumiinerusumik maleruagassanik aalajangiisinaavoq.

§§ 39-47. (Aalajangersakkat Kalaallit Nunaannut atortuulersinneqassanngillat.)

Aallakaatitseqqinneq immiussinerlu

§ 48. Kattuffiup imaluunniit radiomik isiginnaarummillu suliaqarfiup pissutissaqarpiarani suliat aallakaatitalluunniit silaannakoorlugu aallakaatinneqartup kabel-eqarfiit aqquutigalugit ataatsikkut allanngortinnagillu aallakaatinneqarnissaat akueriumanngippagu imaluunniit naleqqutinngitsunik piumasqaateqarluni aallakaatitseqqinnissaq neqeroorutigippagu piumasqaartoqarneratigut eqqartuussiviit akuersissut nalunaarutigisinnaavaat tamatumanilu piumasqaatit erseqqinnerusut aalajangersarlugit. § 50, imm. 1-imi oqaaseqatigiit aappaanni aalajangersagaq taamatulli atortinneqassaaq.

Imm. 2. Radiomik imaluunniit isiginnaarummik suliaqarfiup radiomik imaluunniit isiginnaarummik suliaqarfiup aallakaatitaasa § 13, imm. 1-imi oqaaseqatigiinni siullerni oqaatsit kingullit imaluunniit § 17-imi, imm. 4-mi pineqartutut immiussinissaq § 69 malillugu akueriumanngippagu imaluunniit taamatut immiussinissami patsisissaatit isumaqatigiissutigineqarsinnaanngippata illua-tungeriit arlaata piumasqaateqarneratigut eqqartuussiviit akuersissut pisariaqartoq nalunaarutigisin-naavaat tamatumanilu piumasqaatit erseqqinnerusut aalajangersarsinnaallugit.

Imm. 3. Imm. 2-mi aalajangersagaq aatsaat atorineqassaaq suliamik pilersitseqqaartut kattusimasut isumaqatigiissusiorsimappata § 50-imi, tak. § 13, imm. 1-imi oqaaseqatigiinni siullerni kingul-liit, imaluunniit § 17, imm. 3-mi pineqartumik. § 49-mi aalajangersagaq taamatulli atorineqassaaq.

Akissarsiatigut piumasqaatit pisoqalisoorneri

§ 49. § 17 d, imm. 1, § 18, imm. 1 aamma § 68 naapertorlugit akissarsiassat piumasarisinnaasat ukiup suliamik atuiffiusup piffiata naaneraniit ukiut pingasut qaangiunneranni pisoqalisapput.

Imm. 2. Akissarsiassat piumasarisinnaasat kattuffimmit atuutsinniarneqarpata imm. 1-imi aalajangersagaq aamma atuuppoq suliamik pilersitseqqaartup kattuffimmut piumasqaataanut.

Imm. 3. Pisoqalisoorinnaanera unitsinneqassaaq allakkatigut piumasqaateqartoqarneratigut.

Isumaqatigiissuteqarnikkut licens pillugu ataatsimut aalajangersakkat

§ 50. §§ 13, 14 aamma 16 b, § 17, imm. 3, § 24 a, §§ 24 a, 30, 30 a aamma 35 malillugit isumaqatigiissuteqarnermik licensit atuisunit suliap pineqartup atorineqarnissaanik kattuffimmik, suliat suussusiinut aalajangersimasunut suliamik pilersitseqqaartut Kalaallit Nunaanni atorineqartut, isumaqatigiissuteqarsimasumit tunngaviginiarneqarsinnaapput.

Imm. 2. Isumaqatigiissuteqarnermik licensi taamaallaat atuisinnaatitsissutaavoq suliamik pilersitseqqaartut sinniisuutitaqanngitsut suliaannut kattuffimmik isumaqatigiissuteqarsimanertut

ittumik tamatumanilu piumasagaatit Kalaallit Nunaanni atorneqartut tunngavigalugit. Tamannali atuutissanngilaq pilersitseqqaartoq isumaqatigiisummi peqataasut arlaannut suliap atorneqarnisaanut inerteqquteqarsimappat.

Imm. 3. Isumaqatigiisuteqarnermik licensi sulianut suussutsimikkut taamaattunut allanut atuisinnaatitsissutaavoq sulianut taakkununga suliamik pilersitseqqaartut kattuffimmi sinniisuutita-qanngikkaluarpataluunniit. Isumaqatigiisuteqarnermik licensi atuisinnaatitsissutaavoq suliamik pilersitseqqaartut sinniisuutitaqanngitsut suliaannut kattuffimmik isumaqatigiisuteqarsimanertut ittumik tamatumanilu piumasagaatit tunngavigalugit.

Imm. 4. Kattuffiit pisinnaatitaaffeqartut, imm. 1-imut aamma 2-imut ilaasumik isumaqatigiisuteqartut, immikkoortuni erseqqinnerusumik allanneqartuni isumaqatigiisusiorinissamut Naalakkersuisunit akuerineqassapput. Immikkoortuni aalajangersimasuni kattuffik akuerisaasoq imm. 1 imaluunniit 2 malillugu piumasagaatinik naammassinnittunit kattuffinnik arlalinnit ilaasortaaffiulluni ataatsimut kattuffiussasoq Naalakkersuisut aalajangiisinnaapput.

Imm. 5. Suliamik suliarinninnermut atatillugu kattuffinnut pisinnaatitaaffeqartunut imm. 4-mi taaneqartunut akersissuteqarnissamut tunngatillugu Kulturministeri sukumiinerusumik maleruagassanik aalajangiisinnaavoq.

§ 51. § 50 naapertorlugu suliamik atuinerni akissarsiassat suliamik pilersitseqqaartut kattuffimmi sinniisuutitaqartut akornanni agguataarneqarnissaannut maleruagassat kattuffiup aalaja-ngersagai suliamik pilersitseqqaartunut sinniisuutitaqanngitsunut taamatulli atuutsinneqassapput.

Imm. 2. Suliamik pilersitseqqaartut sinniisuutitaqanngitsut immikkut akissarsiassamik piumasagaartussaapput taamatut pisinnaatitaaneq atuisumik isumaqatigiisummi imaluunniit akissarsiassat pillugit kattuffiup maleruagassiaani ilaangikkaluarpalluunniit. Immikkut akissarsiassap annertussusissaa pillugu isumaqatigiittoqarsinnaanngippat illuatungerisap arlaata apeqqut eqqartuussivinnut suliaannagortissinnaavaa.

Imm. 3. Akissarsiassamik piumasagaatit § 50 imm. 4 naapertorlugu § 35 malillugu suliamik atuinermut atatillugu kattuffiit akuerineqartut saqqummiukkumasaat peqatigisaanik atuisumut saqqummiunneqassapput.

Imm. 4. Aalajangersakkat imm. 1-imi 2-milu taaneqartut naapertorlugit akissarsiassamik piumasagaatinut § 49-mi aalajangersagaq taamatulli atuutsinneqassaaq.

§ 52. § 13-im, 14-imi, 16 b-mi § 17, imm. 3-mi, § 24 a-mi aamma § 30 a-mi taaneqartutut isumaqatigiisuteqarnissamik isumaqatigiinniuteqarnerit angusaqarfiunngippata illuatungeriit tamarmik isumaqatigiinniartitsisoqarnissaa piumasarisinnaavaat.

Imm. 2. Isumaqatigiinniartitsisoqarnissaanik piumasagaat Naalakkersuisunut saqqummiunneqassaaq. Piumasagaat saqqummiunneqarsinnaavoq illuatungeriit arlaata isumaqatigiinniuteqarnek unitsippagu isumaqatigiinniuteqarnissarlunniit itigartippagu, imaluunniit isumaqatigiinniuteqar-nerigaluit angusaqarfiunngitsoornissaat ilimanarsippat.

Imm. 3. Isumaqatigiisitsiniarneq isumaqatigiinniartitsisussatut Naalakkersuisunit toqqarneqartumit isumagineqassaaq. Isumaqatigiisuteqarniarluni isumaqatigiinniarnerni tunngavigineqas-sapput aaqqiissutissatut illuatungeriit siunnersuutigisimasinnaasaat.

Isumaqatigiissaasup illuatunge-riinnut siunnersuutigisinnaavaa assortuussutip isumaqatigiissuteqarnikkut aalajangerneqarnissaa isumaqatigiissitsiniartussanillu toqqaanermi ikiuussinnaalluni.

Imm. 4. Isumaqatigiinniartitsisoq assortuussutip aaqqiissutissaanik siunnersuuteqarsinnaavoq piumasarisinnaallugulu siunnersuutip taamattup isumaqatigiissaasup piffissaliussaata iluani illuatu-ngerit oqartussaaitaanut akuerisassanngortinneqassasoq itigartitassanngortinneqassasorluunniit. Isumaqatigiissitsiniarnerup inerneranik isumaqatigiissitsiniartup Naalakkersuisut nalunaarfigissavai.

Imm. 5. Piffissaq isumaqatigiissuteqarfiusoq naareersimagaluarpat imaluunniit isumaqatigiin-niarnerit nalaanni naassagaluarpat isumaqatigiissutaasimasut atortuuginnassasut isumaqatigiissaasup aalajangersinnaavaa. Inassutaasumillu isumaqatigiissutissatut siunnersuummut imaluunniit isumaqa-tigiissitsiniaanissamik siunnersuummut illuatungerit aalajangeereerneratigut imaluunniit isumaqati-giissitsiniartup siunnersuutunik taamaattunik saqqummiussisoqarnissaanut tunngavissaqannginneraa-nerata kingorna sapaatip akunnerinik marlunik sivisunerusumik sivitsuisoqarsinnaanngilaq.

Imm. 6. Kinaluunniit isumaqatigiissitsiniartuusoq imaluunniit isumaqatigiissitsiniartuusi-masoq taamaaliortussaaitaanani isumaqatigiissitsiniarsimasutut ilisimalikkaminik oqaatigisaqas-sanani luunniit atuissanngilaq.

Imm. 7. Isumaqatigiissitsiniartup sulinerani aningaasartuutit matussuserneqarnissaannut maleruagassat erseqqinnerusut kulturministerip aalajangersarsinnaavai.

Kapitali 3

Piginneqqaartussaannerup allanut nuunneqarnera

Aalajangersakkat nalinginnaasut

§ 53. Piginneqqaartuusup §§ 3 aamma 38 malillugit killilersuutaasut atorlugit inatsit manna malillugu pisinnaatitaaffini tamakkiisumik ilaannakuusumilluunniit allanut nuussinnaavaa.

Imm. 2. Assinginik nuussineq piginneqqaartussaannerup allanut nuunneqarneranut ilaanngilaq.

Imm. 3. Piginneqqaartuusup suliap aalajangersimasumik pissuseqartillugu atornissaa aalajangersimasunilluunniit iluaqutissaqartillugu allanut tunniuppagu tunniussineq taanna piginnilersumut allatut iliorsinnaatitaanerussanngilaq allatulluunniit iluaqusersuutaassanani.

Imm. 4. Piginneqqaartussaannerup allanut nuunneqarnera pillugu §§ 54-59 aalajangersakkat illuatungerit akornanni isumaqatigiissuteqarnikkut sanioqqunneqarsinnaapput aalajangersakkani ataasiakkaani allanik aalajangersaasoqarsimanngippat.

§ 54. Piginnilersup suliamik atuinisaaq pisussaaffigaa. Piginneqqaartuusup isumaqatigiissut qaammatinik arfinilinnik kalerriilluni atorunnaarsissinnaavaa isumaqatigiissutip piginneqqaartuusumiit eqquutsinneqalernerata kingorna ukiut pingasut qaangiutinnginneranni atulersimanngippagu. Tamannali atuutinngilaq kalerriuteqarnerup naanissaa sioqqullugu atulersimappagu.

Imm. 2. *Imm.* 1-imi aalajangersagaq saneqqunneqarsinnaanngilaq, piffissaliussatut allanneqartut allanngortinnissai taamaallaat pineqanngippata.

§ 55. (Atorunnaarpoq)

Allannguinerit tunniusseqqinnerillu

§ 56. Piginneqqaartussaanerup tunniunneqarnera piginnilersup suliamik allannguinnessaanut pisinnaatitsissutaanngilaq allannguneq pissusissamisuunngippat erseqqissumilluunniit tunngavissaa-titaasimanngippat.

Imm. 2. Piginneqqaartussaanerup tunniunneqarnera piginnilersup piginneqqaartussaanerup tunniusseqqinnissaanut piginnaatitsissutaanngilaq tunniusseqqinneq pissusissamisuunngippat erseq-qissumilluunniit tunngavissaatitaasimanngippat. Piginneqqaartuusumik isumaqatigiissutip eqqortin-neqarnissaanut tunniussisoq akisussaassuseqartuassaaq.

Akiligassanik isumannaajaaneq nakkutilliinerlu

§ 57. Piginnilersup kaaviiartitai, tunisinikkut isertitai taamaaqataaluunniit suliamik pilersitseqqaartup akissarsiassaanut aalajangiisuuppata suliamik pilersitseqqaartup piumasarisinnaavaa akiligassat isumannaarneqartassasut minnerpaamik ukiumut ataasiarluni. Aammattaq suliamik pilersitseqqaartup piumasarisinnaavaa akiligassanik isumannaajaanermut atatillugu akissarsiassat naatsorsorneqarneranni pissutsit tunngaviusimasut pillugit paasissutissat tamakkiisut ilaatinneqassasut.

Imm. 2. Suliamik pilersitseqqaartup piumasarisinnaavaa piginnilersup naatsorsuutai, naatsor-suuserinera nioqqutissat uninngasuutai aammalu suliamik atuisup uppersaatai *imm.* 1 malillugu akiligassanik isumannaajaanermut atatillugu naatsorsuutinik kukkunerisuiusumut naalagaaffimmit akuerisamit imaluunniit naatsorsuutinik kukkunerisuiusumut nalunaarsorneqarsimasumut suliamik pilersitseqqaartup toqqagaanut atugassanngortinneqassasut. Akiligassanik isumannaajaanerup eqqor-tuuneranik nikingassutaasinnaasulluunniit pillugit suliamik pilersitseqqaartoq kukkunerisuiusup nalunaarfigissavaa. Aamma kukkunerisuiusup misissuinermini pissutsit ilisimalikkani allat tamaasa pillugit nipangiussisussaataavoq.

Imm. 3. *Imm.* 1-imi 2-milu aalajangersakkat suliamik pilersitseqqaartumut ajoqtissanngorlugu sanioqqunneqarsinnaanngillat.

Filmilornermi isumaqatigiissutit pillugit immikkut aalajangersakkeat

§ 58. Filmilornermi peqataanissamik isumaqatigiissutip nassatarissavaa suliamik pilersitseqqaartup akerliliiffigisinnaangimmagu

- 1) filmip assinginik sananissaq,
- 2) filmip assingisa inunnit tamanit pineqarsinnaatitaalerneru,
- 3) filmip tamanut ammasumik takutinneqarnissaa imaluunniit
- 4) filmip oqaatsit allat atorlugit allagartalersorneqarnissaa oqaasertalersorneqarnissaaluunniit.

Imm. 2. Imm. 1-imi aalajangersagaq atorneqassanngilaq

- 1) sulianut pioreersunut,
- 2) filmiliornermi najoqqutassatut atuakkanut, oqaloqatigiissutigisassanut nipilersugassianullu filmimik pilersitsinissaq siunertaralugu suliarineqartunut, imaluunniit
- 3) filmimi pingaarnertut ilitersuisumut.

*Assilissanik nipinillu immiussat attartortinneqarneranni akissarsiassamik
piumasaqaatit nuunneqarsinnaanngitsut pillugit aalajangersakkat*

§ 58 a. Suliamik pilersitseqqaartup pisussaanini assilissanik nipiinillu immiussanik nioqqusiortartumut immiussat taamaattut attartortittarnerisigut suliamik inunnut tamanut pineqarsinnaalersitsineq tunniussimappagu suliamik pilersitseqqaartoq nioqqusiortumit attartortitsinermi naleqquttumik akissarsiaqartinneqarnissaminik piumasaqaateqarsinnaavoq. Akissarsiaqarsinnaati-taaneq taamaallaat atuutsinniarnaqarsinnaavoq kattuffiit pisussaatitaaffimmik pigisaqartut immikkuutaartut ataasiakkaat sinniisuutitaqarfii aqutigalugit. Oqaaseqatigiinni siullerni tulliinilu aalajangersakkat isumaqatigiissuteqarnikkut sanioqqunneqarsinnaanngillat.

Qarasaasianut programmit atorfeqarnikkut pilersitat pillugit immikkut aalajangersakkat

§ 59. Qarasaasianut programminut sulinermut atatillugu sanaanut sulisitsisup sanaartortitaanut piginneqqaartussaaneq sulisitsisumut nuunneqassaaq.

Inuup assingi qalipatat imissutit

§ 60. Inuup assinganut qalipatamut imissutaasumut suliamik pilersitseqqaartup pisussaatitaaffini atuutsinniarsinnaanngilai inniminniisoq akuersiseqqaartinnagu.

Kingornussineq akiligassaqarnermilu malersuineq

§ 61. Suliamik pilersitseqqaartup toqunerani kingornussisarnermik Kalaallit Nunaanni inatsimmi maleruagassat nalinginnaasut piginneqqaartussaaneermut atortinneqassapput.

Imm. 2. Suliamik pilersitseqqaartuusooq katissimallugu testamentikkut aapparminut kingornussisussavimminullu aamma pinngitsooratik sunniuteqartussanik peqqussuteqarsinnaavoq piginneqqaartussaaneerup atortinneqarnissaanik inulluunniit alla tamakkuninnga peqqussusiortissinnaallugu.

§ 62. Suliamik pilersitseqqaartuusup suliaminik atuisinnaatitaanera akiligassaqarnikkut malersuissutaasinnaanngilaq suliamik pilersitseqqaartumut namminerumut inummiluunniit katillugu aappaninneq kingornussinerluunniit malillugit atuisinnaanerup nuuffigineqarfigisaani.

Imm. 2. Aammattaaq suliat assingi akiligassaqarnikkut malersuissutaasinnaanngillat suliamik pilersitseqqaartumut namminerumut inummiluunniit katillugu aappaninneq kingornussinerluunniit malillugit atuisinnaanerup nuuffigineqarfigisaani malersuineq sammitinneqarpat

- 1) allatanut najoqqutassanut (manuskripter),

- 2) naqitsivinnut, pladenut, kuitsivinnut taamaaqataannulluunniit eqqumiitsuliat sananeqarfigisinnaasaannut, imaluunniit
- 3) eqqumiitsuliat assinginut saqqummersinneqanngitsunut, tuniniagassanngortinneqartunut allatulluunniit iliorluni tamanut saqqummiunneqartussatut akuerineqartunut.

Kapitali 4

Piginneqqaartussaaneq atuussinnaanerata sivilissusia

§ 63. Suliamut piginneqqaartussaaneq atuutissaaq ukiup piginneqqaartuusup toquffiata kingornatigut ukiut 70 qaangiunnissaannut imaluunniit suliat § 6-imi eqqartorneqartut tungaasigut ukiup inuummersornerusup toquffiata kingornanut. Filmilianulli piginneqqaartussaaneq atuutissaaq kinguliini taagorneqartut qimataasa ukiup inuummersornerusup toquffiata kingornatigut ukiut 70 qaangiunnissaannut:

- 1) Pingaarnertut ilitersuisoq,
- 2) najoqqutassatut atuakkiortoq,
- 3) oqaloqatigiissutigisassanut atuakkiortoq aamma
- 4) filmiliugassanut immikkut atugassatut nipilersugassiortoq.

Imm. 2. Nipilersukkamut taallartaqartumut piginneqqaartussaaneq, taallartaa nipilersuutaallu nipilersuummut taallatalimmut pineqartumut immikkut sanaajulluni uku inuit arlaata toquffiata kingornagut ukiut 70 qaangiunnissaannut atuutissaaq:

- 1) Taalliartoq aamma
- 2) erinniortoq

Imm. 3. Piginneqqaartussaasup aqqa, aterisuusaagaa tamanit ilisimasaasoq meqqialuunniit taanagit suliaq ataaseq tamanut ilisimasassanngortitaappat piginneqqaartussaaneq atuutissaaq ukiup suliap tamanut ilisimasassanngortitaaffiata naaneraniit ukiut 70 qaangiunnissaannut. Suliaq taanna arlalinnik immikkoortoqarpat, atuagartaqarpat, kakkersagaappat, normoqarpat nangeqattaartuliaap-palluunniit immikkoortunut ataasiakkaanut tamanut piffissaq illersuiffik immikkoortoq atuuppoq.

Imm. 4. Piffissap taaneqartup ingerlanerani piginneqqaartuusup § 7 naapertorlugu taaneqarpat imaluunniit suliap tamanut ilisimasassanngortinneqannginnerani toqusoq oqaatigineqarpat atortussaaffiup sivilissusia imm. 1 naapertorlugu naatsorsorneqassaaq.

Imm. 5. Sulianut tamanut ilisimasassanngortinneqarsimanngitsunut piginneqqaartussaasorlu ilisimaneqanngippat piginneqqaartussaaneq atuutissaaq ukiup suliap piliarineqarnerata naaneraniit ukiut 70 qaangiunnissaannut.

§ 64. Suliaq siusinnerusukkut saqqummigaareersimanngippat kinaluunniit inatsimmik unioqqutitsinani siullermeerluni tamanut saqqummiisoq imaluunniit piginneqqaartussaaneq piffissap illersuiffiusup naareerneraniit suliamik saqqummiisoq suliap aningaasanut tunngatillugu pisassaqrarfitaanut atuakkiamik eqqumiitsuliatulluunniit suliamik pilersitsisup inatsit malillugu pisassaqrarfiinut naleqquttumik pisassaqrarfeqalissaaq. Illersuineq atuutissaaq ukiup tamanut ilisimasassanngortitsiffiusup saqqummiinerulluunniit pineraniit ukiut 25 qaangiunnissaannut.

Kapitali 5
Pisassaqarfii allat

Eqqumiitsuliornermik suliaqartartut

§ 65. Eqqumiitsuliornermik suliaqartartup atuakkiamik eqqumiitsuliamilluunniit saqqummiinera eqqumiitsuliorartup taassuma akuerisarinngisaanik

- 1) nipiinnalinnut immiussivissamut, filmimut sakkumulluunniit allamut taassuminnga issuaasin-naasumut immiunneqassanngilaq, imaluunniit
- 2) inunnit tamanit pineqarsinnaalersinneqassanani.

Imm. 2. Saqqummiineq imm. 1, nr. 1-imi taaneqartutut tiguneqaruni sakkumut allamut taassuminnga issuaasinnaasumut eqqumiitsuliornermik suliaqartartup akuerisarinngisaanik nuunne-qassanngilaq imaluunniit inunnit tamanit pineqarsinnaalersinneqassanani ukiup saqqummiunneqar-fiata naaneraniit ukiut 50 qaangiutsinnagit.

Imm. 3. Piffissalli taassuma iluani saqqummersitap immiunnera, tak. imm. 1, nr. 1, saqqummiunneqarpat imaluunniit imm. 2-imi taaneqartup piffissap iluani inunnit tamanit pineqarsinnaalersinneqarpat illersuineq atuutissaaq ukiup siullermik saqqummiussiffiup imaluunniit inunnit tamanit pineqarsinnaalersinneqarfiata naaneraniit ukiut 50 qaangiunnissaannut, matumani aalajangiisuulluni suna siulliunersoq.

Imm. 4. Nipinik immiussaq, tak. imm. 1, nr. 1, imm. 2-imi piffissap taaneqartup iluani saqqummersinneqarpat imaluunniit tamanut saqqummiunneqarpat taamaattoq illersorneqarnera ukiup siullermik saqqummersinnerani imaluunniit tamanut saqqummiunnerani naaneraniit ukiut 70-it tikillugit sivisussuseqassaaq, piffissaq sorleq siulliunersoq apeqqutaatillugu.

Imm. 5. Eqqumiitsuliornermik suliaqartartup aamma filmiliorartup akornanni filmiliornermi peqataanissamik isumaqatigiissutip, illuatungiliullugu isumaqatigiissuteqartoqarsimanngippat, nassa-tarissavaa eqqumiitsuliornermik suliaqartartup filmimik attartortitsinikkut pisassaqarfini filmilior-tartumut nuussimagaa ilimagineqassaaq.

Imm. 6. § 2, imm. 2-4, §§ 3, 11 aamma 11 a, § 12, imm. 1, imm. 2, nr. 5, imm. 3, nr. 1, aamma imm. 4, §§ 13 aamma 15, § 16, 16 a aamma § 17-17 e, § 18, imm. 1 aamma 2, § 19, imm. 1 aamma 2, §§ 21, 22, 25, 27, 28, 30 a, 31, 33-35, 49-57, 58 a, 61 aamma 62-imi aalajangersakkat eqqumiitsuliornermik suliaqartartut saqqummigaannut taakkualu immiunnerannut taamatulli atuutsinneqassapput.

Nipinik immiussat saqqummiunneqarnerat

§ 66. Nipinik immiussat saqqummiisup akuerisarinngisaanik issuarneqassanngillat imaluunniit inunnit tamanit pineqarsinnaalersinneqassanatik ukiup immiussiviusup naaneraniit ukiut 50-it qaangiutsinnagit. Piffissalli taassuma iluani nipinik immiussat saqqummersinneqarpat imaluunniit tamanut saqqummiunneqarpat illersuineq atuutissaaq ukiup siullermik saqqummiussiffiup imaluunniit tamanut saqqummiunneqarfiata naaneraniit ukiut 70 qaangiunnissaannut, matumani aalajangiisuulluni suna siulliunersoq. Nipinik immiussat saqqummersinneqarnerani allatut iliornikkut piffissap oqaaseqatigiinni siullerni taaneqartup iluani saqqummersinneqassappat illersuineq ukiup saqqummiiffiusup naaneraniit ukiut 70-it tikillugit sivisussuseqassaaq.

Imm. 2. § 2, imm. 2-4-mi, § 11, imm. 2-i aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3-mi, imm. 4, nr. 1-imi, aamma imm. 5-imi oqaaseqatigiinni siullerni, §§ 13, 15, 16, 16 a aamma 17-17 e, § 18, imm. 1-imi aamma 2-mi, § 19, imm. 1-imi aamma 2-mi, kiisalu §§ 21-imi, 22-imi, 25-imi, 27-imi, 28-imi, 30 a-mi, 31-mi, 33-mi, 34-mi, § 35, imm. 4-imi aamma 5-imi aamma 49-52-imi aalajangersakkat nipiinnalinnik immiussanut taamatulli atuutsinneqassapput.

Imm. 3. Imm. 1-imi aalajangersagaq apeqqutaatinnagu nipiinnalinnik immiussat radiukkut isiginnaarutikkulluunniit silaannakkut aallakaatinneqartut, kabileqarfikkut aallakaateqqinneqarsinnaapput radiokkullu atortut iluaqutigalugit allangortinnagit ataatsikkoortumillu aallakaatinneqarsinnaapput.

Eqqumiitsuliortup pisinnaatitaaffiini nuussineq pillugu isumaqatigiissutip atorunnaarnera

§ 66 a. Eqqumiitsuliortutut ingerlataqartup nipinik immiussanut pisinnaatitaaffini nipinik immiussisartumut tunniussimasani imaluunniit nuussimasani pillugit isumaqatigiissut atorunnaarsinnaavaa, nipinik immiussap saqqummiunneqarneraniit ukiut 50-it ingerlareersimappata, imaluunniit, nipinik immiussinerup tamanut saqqummiunneqarneraniit ukiut 50-it ingerlareerneranni taamatut saqqummiussineq pisimanngippat, saqqummiussisoq

1) nipinik immiussap assilineranik neqerooruteqartut naammattumik annertussuseqartumik tuniniaappat aamma

2) nipinik immiussaq imatut atugassanngortippagu sumiiffimmi piffissamilu immikkut toqqarneqartumi inuunnaat periarfissinneqarlutik, tak. § 2, imm. 4, nr. 1.

Imm. 2. Eqqumiitsuliortutut ingerlataqartup isumaqatigiissut atorunnaarsippagu, tak. imm. 1, tamanna ukiumik ataatsimik kalerriisoqarneratigut pissaaq. Tamatuma kingorna isumaqatigiissut atorunnaarsinneqarsinnaavoq nipinik immiussisoq imm. 1, nr. 1 aamma 2-mi takuneqarsinnaasunik iluaquteqarnissamut iliussissat marluusut piffissap kalerriiffiusup naanissaa sioqqullugu isumaginngippagit. Eqqumiitsuliortutut ingerlataqartup isumaqatigiissutip atorunnaarsinnissaanut pisinnaatitaaffini taamaatissinnaanngilaa.

Imm. 3. Imm. 1 malillugu isumaqatigiissut atorunnaarsinneqarpat isumaqatigiissummut tunngasumut nipinik immiussamut saqqummersitsisup nammineq pisinnaatitaaffii atorunnaassappat, tak. § 66.

Ukiumoortumik tapüsstasumik akissarsianut pisinnaatitaaffik

§ 66 b. Eqqumiitsuliortutut ingerlatsisup nipinik immiussanik immiussisumik nipinik immiussap saqqummersinnissaanut pisinnaatitaaffini tunniussimappagit ataasiaannarlunilu akissar-sisoqarnissaanik isumaqatigiissuteqarluni nipinik immiussap saqqummersinneraniit ukiut 50-it ingerlareerneranni, imaluunniit, nipinik immiussap tamanut saqqummiunneraniit ukiut 50-it ingerlareersut taamatut saqqummersitsisoqarsimanngippat ukiunut ilivitsunut tamanut ataasiakkaanut nipinik immiussisumut ukiumut tapertaasumik akissarsinissamut pineqartoq pisinnaatitaaffeqarpoq. Eqqumiitsuliortutut ingerlataqartup ukiumoortumik tapertaasumik akissarsianut pisinnaatitaaffini annaasinnaanngilaa.

Imm. 2. Imm. 1-imi taaneqartut akissarsiat akilernissaannut aningaasat nipinik immiussisoq immikkoortitsissaaq. Aningaasat tamarmiusut immikkoortinneqartussat ukiup

akissarsiat akiler-neqarnissaanni saqqummersitsisup isertitaasa 20 pct.-iini annertussuseqassapput. Akissarsiat nipinik immiussap suliareqqinneraniit, nassiussuuneranit atugassanngortinneraniillu saqqummersitsisup iser-titaanit naatsorsorneqassapput, nipinik immiussap saqqummiunneraniit ukiut 50-it ingerlareer-simappata, imaluunniit, nipinik immiussap tamanut saqqummiunneraniit ukiut 50-it ingerlareersut taamatut saqqummersitsisoqarsimangippat.

Imm. 3. Akissarsiat Naalakkersuisunit akuerineqartumit ingerlatsivimmit akilerneqarlutillu aqunneqassapput.

Imm. 4. Eqqumiitsuliortumik ingerlatsisumiit noqqaasoqarneratigut imaluunniit imm. 3-imi ingerlatsisutut akuerineqarsimasumiit ukiumoortumik tapertaasumik akissarsiat akilerneqarnissaasa qulakkeerneqarnissaanut pisariaqarsinnaasunik paasissutissanik sunilluunniit nipinik immiussisoq tunniussissaaq.

Imm. 5. Taamatut ingerlatsiviup akuerineqarneranut atatillugu suliamik suliarinninneq pillugu malittarisassanik erseqqinnerusunik kulturministeri aalajangersaasinnaavoq.

§ 66 c. Eqqumiitsuliortutut ingerlataqartup nipinik immiussanik immiussisumik nipinik immiussap saqqummersinnissaanut pisinnaatitaaffinni tunniussimappagit ingerlaavartumillu akissarsiaqarsinnaanermik isumaqatigiissuteqarsimappat siumoortumik akiliisimanerit isumaqatigiissutikkulluunniit ilanngaatiit eqqumiitsuliortutut ingerlataqartumut ingerlaavartumik akissarsianit ilanngaatigine-qassanngillat, nipinik immiussap saqqummiunneqarneraniit ukiut 50-it ingerlareersimappata, imaluunniit, nipinik immiussinerup tamanut saqqummiunneqarneraniit ukiut 50-it ingerlareerneranni taamatut saqqummiussineq pisimangippat.

Assilissanik immiussisartut

§ 67. Assilissanik immiussat saqqummiisup akuerisarinngisaanik issuarneqassanngillat imaluunniit inunnit tamanit pineqarsinnaalersinneqassanatik ukiup immiussiviup naaneraniit ukiut 50 qaangiutsinnagit. Piffissalli taassuma iluani assilissanik immiussat saqqummersinneqarpata imaluunniit tamanut saqqummiunneqarpata illersuineq atuutissaaq ukiup siullermik saqqummiussiffiup imaluunniit tamanut saqqummiunneqarfiata naaneraniit ukiut 50 qaangiunnissaannut, matumani aalajangiisuulluni suna siulliunersoq.

Imm. 2. § 2, imm. 2-4-mi, § 11, imm. 2-mi aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3, nr. 2-mi aamma imm. 4-mi, §§ 13-imi, 15-imi, 16-imi aamma 16 a-mi, § 17, imm. 1-imi aamma 3-imi, § 18, imm. 1-imi aamma 2-mi, § 19, imm. 1-imi aamma 2-mi, aamma §§ 22-mi, 25-mi, 27-mi, 28-mi, 30 a-mi, 31-34-mi, 35, imm. 4-imi aamma 5-imi aamma 49-52-imi aalajangersakkat assilissanik immiussanut taamatulli atuutsinneqassapput.

Imm. 3. Imm. 1-imi aalajangersagaq apeqqutaatinnagu assilisanik immiussat isiginnaarutikkut atassuteqanngitsumik aallakaatinneqartut, radiokkut atortut iluaqutigalugit inuinnarnut kabel-itigut atortut atorlugit aallakaateqqinneqarsinnaapput ingerlateqqinneqarlutillu, tamanna allannguuteqan-ngitsumik pippat peqatigisaanillu aallakaatitsineq ingerlanneqarpata.

Nipinik immiussat radiomi isiginnaarutikkullu il.il. atornerarannut akissarsiat

§ 68. § 65, imm. 2-4mi aamma § 66, imm. 1-imi aalajangersakkat apeqqutaatinnagit nipinik immiussat saqqummiunneqarsimasut radiokkut isiginnaarutikkulluunniit aallakaatitsinermi alla-

tullu tamanut ammasumik saqqummiussinermi atorreqarsinnaapput. Oqaaseqatigiinni siullerni aalajangersagaq atortuutinneqassanngilaq nipinik immiussanik saqqummiunneqareersunik sumiif-finni piffissamilu immikkut toqqartukkani tamanit pineqarsinnaanngorlugit atugassiinertut saqqummiussinernut, tak. § 2, imm. 4, nr. 1, titarnerit aappaat.

Imm. 2. Nipinik suliaqartartut pilersitsiartullu akissarsiassaminnik piunasaqarsinnaapput. Akissarsiassanik piunasaqarneq taamaallaat atuutsinniarneqarsinnaavoq ataatsimoorullugu kattuffik nipinik suliaqartartut pilersitsisartullu peqataaffigisaat Naalakkersuisunillu akuerineqarsimasoq aqqu-tigalugu. Akissarsiat annertussusaat pillugit isumaqatigiittoqarsinnaanngippat illuatungeriit arlaata apeqqut eqqartuussivinnut suliassanngortissinnaavaa.

Imm. 3. Imm. 1-imi 2-milu aalajangersakkat isiginnaarutikkut aallakaatitanut filmilianullu tamanut ammasumik saqqummiunneqartunut, nipi assilissallu aallakaatinneqarpata ataatsikkulluun-niit saqqummiunneqarpata, atuutinngillat.

Imm. 4. Aalajangersagaq taanna naapertorlugu nipinik immiussamik atuisoq illuatungeriit isumaqatigiissitaasigut imaluunniit eqqartuussiviit aalajangiinerisigut aalajangersarneqartumik akissarsiyanik akiliinngippat eqqartuussisoqarneratigut aalajangersarneqarsinnaavoq pineqartup atuinera taamaallaat pisinnaasoq piginnaatitaasup akuersineratigut pisinnaasoq, akiliisoqarnissaata tungaanut.

Imm. 5. Suliamik suliarinninnermut atatillugu suliffeqarfimmut imm. 2-mi taaneqartumut akuersissuteqarnissamut tunngatillugu maleruagassanik sukumiisunik Kulturministeri aalajangiisinnaavoq.

Radiomik isiginnaarummillu suliaqarfut

§ 69. Radiukku isiginnaarutikkulluunniit aallakaatitaq radiomik isiginnaarummilluunniit suliaqarfup akuerisarinngisaanik allanit aallakaatinneqassanngilaq allatulluunniit tamanut ammasumik saqqummiunneqassanani. Taamatuttaaq aallakaatitaq akuerisaanngitsumik assiliissummik assilinqassanngilaq imaluunniit nipinik immiussissummut filminullu atortunut allanut nuutinneqarfigisinnaasaanut immiunneqassanngilaq.

Imm. 2. Aallakaatitaq assiliissummik assilinqarsimappat imaluunniit imm. 1-imi taaneqartutut immiunneqarsimappat suliaqarfup akuerisarinngisaanik atortumut allanut taassuminnga issuaasinnaasumut nuunneqassanngilaq tamanulluunniit siammarterneqassanngilaq ukiup aallakaatit-siviusup naaneraniit ukiut 50 qaangiutsinnagit.

Imm. 3. § 2, imm. 2-4-mi, §11, imm. 2-mi aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3, nr. 2-mi aamma imm. 4-mi, § 15-16 a-mi, § 17, imm. 1-imi aamma 2-mi, §§ 17 a-17 e-mi, § 19, imm. 1-imi aamma 2-mi, §§ 21-mi, 22-mi aamma 25-mi, § 27, imm. 1-imi aamma 3-mi, §§ 28-mi, 31-mi, 32-mi, 33-mi aamma § 36, imm. 3-mi aalajangersakkat radiomik isiginnaarummillu aallakaatitanut taamatulli atuutsinneqassapput.

Assiliivik atorlugu assiliisartut

§ 70. Assiliivik atorlugu assinik sanasoq (assiliisoq) assilissamik assiliornissamut inunnullu tamanut takusassanngortitsinissamut kisermaassisinnaatitaavoq.

Imm. 2. Assiliivik atorlugu assinik piginnittutut isigineqarneq ukiup assilisap sananeqarfiata naaneraniit ukiunik 50-inik sivilissuseqarpoq.

Imm. 3. § 2, imm. 2-4-mi, §§ 3-mi, 7-imi, 9-mi, 11-mi aamma 11 a-mi, § 12, imm. 1-imi aamma imm. 2, nr. 5-imi, §§ 13-16-imi, § 17, imm. 1-imi, aamma 3-mi, §§ 17 a-17 e-mi, § 18, imm. 1-imi aamma 2-mi, § 19, imm. 1-imi aamma 2-mi, §§ 20-mi, 21-mi aamma 23-mi, § 24, imm. 1-imi aamma 2-mi, aamma §§ 24 a-mi, 25-mi, 27-mi, 28-mi, 30-31-mi, 33-35-mi, 47-mi, 49-58-imi aamma 60-62-imi aalajangersakkat assiliivik atorlugu assilisanut taamatulli atuutsinneqassapput. Assiliivik atorlugu assilisaq § 1 malillugu piginneqqaartussaaffiussappat taanna aamma atuutsinniarneqarsinnaavoq.

Kataloginik il.il. pilersitsiortortut

§ 71. Kinaluunniit kataloginik, tabelinik, databasenik taamaaqataannilluunniit paasisu-tissanik annertuunik arlalinnik katersuiffiusumik pillersitsisoq imaluunniit annertuumik aningaasa-lersuinikkut angusaqartoq sulianut tamakkiisumik taakkuluunniit immikkoortuinik pingaarner-paanik atuisinnaatitaasoq kisimiilluni pisussaataavoq assinginik pilersitsinissamut inunnillu tamanit pineqarsinnaatitsilernissamut.

Imm. 2. Imm. 1-imi aalajangersagaq katalogit, tabelit, databaset taamaaqataasaluunniit immikkoortuisa pingaanginnerit arlaleriarluni aalajangersimasumillu pissuseqarluni assinginik piler-sitsinermut imaluunniit inunnit tamanit pineqarsinnaatitsilernermut atuutsinneqassaaq iliuitsit taaneqartut iliuitsinut suliat pineqartut nalinginnaasumik atugaanerannut assortuuttutut iliuitsinut naleqqiunneqarsinnaappata imaluunniit pilersitsisartup soqutigisaanut naleqqutinngitsumik ajoqu-siippata.

Imm. 3. Suliat imm. 1-imi taaneqartutut pissusillit tamakkualuunniit immikkoortui piginneq-qaartussaaffinngortitaappata allamilluunniit illersorneqartussaaffinngortitaappata piginneqqaartus-saaneq aamma noqqaassutigineqarsinnaavoq.

Imm. 4. Imm. 1 malillugu illersuineq atuutissaaq ukiup suliap pilarineqarfiata naaneraniit ukiut 15 qaangiunnissaannut. Suliarli imm. 1-imi taaneqartutut pissusilik piffissap taassuma iluani inunnit tamanit pineqarsinnaatitaalerpat illersuineq atuutissaaq ukiup siullermik inunnit tamanit pineqarsinnaalersinneqarfiata naaneraniit ukiut 15 qaangiunnissaannut.

Imm. 5. § 2, imm. 2-4-mi, §§ 6-9-mi, § 11, imm. 2-mi, § 12, imm. 1-imi aamma imm. 2, nr. 4-mi, §§ 13-17 e-mi, § 18, imm. 1-imi aamma 2-mi, § 19, imm. 1-imi aamma 2-mi, §§ 20-22-mi, 25-mi, 27-mi, 28-mi, 30-35-mi, § 36, imm. 2-mi aamma 3-mi, § 47-mi aamma §§ 49-52-mi aalajangersakkat kataloginut, tabelinut, qarasaasiani atortunut il.il. imm. 1-imi taaneqartunut taamatulli atuutsinneqassapput.

Imm. 6. Isumaqatigiissuteqarnermi patsisaasut suliamik tamanut saqqummiunneqarsima-sumik imm. 1 malillugu pilersitsisartup pisinnaatitaaffinik annertusiisut atuutinngillat.

Tusagassiorfinnut nalunaarutit

§ 72. Tusagassiorfinnut nalunaarutit isumaqatigiissut naapertorlugu nunat allat nutaarsiassa-qarfiinit nunaniluunniit allani ilanngutassiortunit tunniunneqartut tiguisup akuerisarinngisaanik aviisitigut, radiokkut allatigulluunniit assigisaasigut inunnt tamanut tusagassanngortinneqas-sanngillat Danmarkimi tamanut tusagassiarineriniit nalunaaqquttap akunneri 12-inngortinnagit, taamaattorli tak. §§ 17 a- 17 d.

Kapitali 6

Aalajangersakkat assigiinngitsut

Taaguutinik illersuineq il.il.

§ 73. Atuakkiaq eqqumiitsuliarluunniit inunnit tamanit pineqartussanngortinneqassanngilaq taaguummik, aterisuusaakkamik meqqimilluunniit suliamut sionatigut saqqummeriikkamut taassu-maluunniit piginneqqaartuanut paarlaassutaasinnaasumik ilisarnaaserlugu.

Imm. 2. Suliap sionatigut saqqummerneqarsimasup tamanut saqqummiunneqarnera suliap allap saqqummernerata qaammatinit pingasunit sivikinnerusumik sioqqullugu pisimappat imm. 1-imi aalajangersagaq atuutsinneqassanngilaq paarlaassinissaq ilimanaateqanngippat.

Eqqumiitsuliat atsiorneqarnerat

§ 74. Eqqumiitsuliortup aqqa meqqialuunniit allamit eqqumiitsuliortumit eqqumiitsuliamut allamut atorneqassanngilaq taassuma nammineq tamanna akuersissutigisimanngippagu.

Imm. 2. Eqqumiitsuliortup aqqa meqqialuunniit suliap assinganut issuakkamut pioqqaartumut paarlaanneqarsinnaasunngorlugu sukkulluunniit atorneqassanngilaq.

Piginneqqaartussaaneq naareerneratigut namminissarsiuinngitsumik pisinnaatitaaffiit

§ 75. Piginneqqaartussaaneq qaangiussimagaluarpalluunniit atuakkiaq eqqumiitsuliarluunniit § 3, imm. 1 aamma 2-mut akerliusumik allanngortinneqassanngilaq inunnilluunniit tamanit pine-qartussanngortinneqassananni kulturikkut soqutigisat tamatumuunakkut eqqunngitsuliorfigineqaq-qunagit.

Nipilersugassianik tamanut tusartitsineq

§ 75 a. Inuussutissarsiutitut sullivik, tassani piginneqqaartussaataitanermik piginnittuusoq imaluunniit tamatuminnga isumaqatigiissutikkut piginnittuusoq sinnerlugu nipilersugassiamik, inatsit manna malillugu illersorneqartumik, tamanut tusartitsinissaq pillugu isumaqatigiissuteqartoqassatillugu tamanna Naalakkersuisunit akuersissutigineqartassaaq, akuersissummut erseqqinnerusunik tunngaviliisinnaasunit. Isumaqatigiissutit pkt. 1-imut 2-mullu naapertuutinngitsut atuutsinneqassanngillat.

Imm. 2. Kattuffik il. il., imm. 1 naapertorlugu akuerisaq, nipilersugassianik tamanut tusartitsinissamut akuersinissami naleqqutinngitsunik patsisissaqartitsippat eqqartuussiviit qinnuigineqarnikkut tusartitsinissaq pillugu tunngavigisassanik aalajangersaasinnaapput.

Imm. 3. Kultureqarnermut ministerip sukumiisumik maleruagassanik suliamullu sullissinissamut tunngassutilinnik atuutsilersitsisinnaavoq, imm. 1-imi akuersinissamut tunngasumik taaneqartumi.

Kapitali 6 a

Teknikikkut iluaqusersuutitut atortulersuutit il. il.

§ 75 b. Teknikikkut aaqqissukkanik, qarasaasiatigut programminut illersuutaasunik, unioq-qutitsisumik puaanissamut imaluunniit allanngortiterinissamut pisariillisaatissatut siunertalinnik sakkunik tunisaqarnissaq imaluunniit iluanaarniutiginnissaat siunertaralugu pigisaqarnissaq inerteq-qutaavoq

§ 75 c. Piginnaatitaasumiit akuerineqaqqartinnani teknikikkut iluaqusersuutitut atortulersuutitik sunniutilimmik atorreqartunik allanngortiterinissaq inerteq-qutaavoq

Imm. 2. Inerteq-qutaavoq piliornissaq, eqqussuinissaq, siaruarternissaq, tuniniaanissaq, attartortitsinissaq, tuniniakkatut imaluunniit attartugassatut ussasaarinissaq imaluunniit iluanaa-rutiginiarlugit pigisaqarnissaq aaqqissukkanik, tunisassianik imaluunniit komponent-inik

- 1) tunisaqapallannissamut, ussasaarinissamut imaluunniit tuniniaanissamut atorniarneqartunik teknikikkut iluaqusersuutitik allannguuteqartitsinissaq siunertaralugu,
- 2) iluanaaruteqarnissamiit allaanerusumik imaluunniit annikitsuinnarmik siunertaqartunik imaluunniit teknikikkut atortulersuutitik iluaqusersuutitut sunniutilimmik atorreqartunik allanngortiterinissamiit allatut iluanaarniutitut atuugassanik imaluunniit
- 3) teknikikkut atortulersuutitik iluaqusersuutitut sunniutilimmik atorreqartunik allanngortiterinissaanissaq imaluunniit angallassinissaq siunertarinerullugu piorsarneqartunik, piliarineqartunik, naleqqussarneqartunik imaluunniit tunniunneqartunik.

Imm. 3. Imm. 2-mi aalajangersagaq taamatulli atortuutinneqassaaq sullissinernut.

Imm. 4. Imm. 1-imi aamma 2-mi teknikikkut atortulersuutitik iluaqusersuutitut sunniutilimmik atorreqartunik pineqarput teknikikkut iluaqusersuutit suulluunniit, pissusissamisoorumik atorreqarnerini sulianik allanillu saqqummiussassanik il. il. inatsit manna naapertorlugu illersorneqartussanik illersuinissamik siunertaqartut.

Imm. 5. Imm. 1-4-mi aalajangersakkat atortinneqassanngillat qarasaasiat programmiinik illersuinermut.

Imm. 6. Imm. 1-4-mi aalajangersakkat susassaqqanngitsunut paasiuminaallisaasarnerup iluani paasisassarsiornissamut akornutaassanngillat.

§ 75 d. Eqqartuussiviit qinnuigineqarnikkut piginnaatitaasumut, teknikikkut atortulersuutitik iluaqusersuutitut sunniutilimmik atorreqartunik § 75 c, imm. 1-imi taaneqartunik atuisimasumut peqqussuteqarsinnaapput atortunik taama ittunik atuisumut atugasseeqqullugu, taassuma § 15-imi, § 16-imi, § 17, imm. 1-mi, § 17 c-mi, § 18, imm. 1-imi aamma 2-mi, § 21, imm. 1, nr. 2-mi, § 23, imm. 1-imi aamma §§ 26-28-mi, 31-mi, 33-mi aamma 68-imi aalajangersakkanik iluaqutigalugu atuisinnaanissaanut pisariaqartunik. Piginnaatitaasup eqqartuussiviup aalajangiineraniit sapaatit akunneri sisamat qaangiutsinnagit peqqussutaasoq malinngippagu, atuisoq § 75 c, imm. 1-imi aalajangersagaq apeqqutaatinnagu teknikikkut atortulersuutitik allannguuteqartitsisin-naavoq. Oqaaseqatigiinni siullerni aappaannilu aalajangersakkat taamaallaat atortinneqassapput atuisunut, suliamut imaluunniit saqqummiussamut il. il. akuerisamik isersinnaatitaasunut.

Imm. 2. Imm. 1-imi aalajangersagaq taamaallaat atortinneqassaaq piginnaatitaasoq nammineerluni iliuuseqarnermigut, tamatumani aamma allanut akuliuttunut isumaqatigiissuteqarnikkut, qularnaarsimanngippagu atuisup teknikikkut iluaqusersuutitut atortunik atuigaluarluniluunniit imm. 1-imi taaneqartutut aalajangersakkanik iluaqutiginissinnaanera.

Imm. 3. Tamannali § 17 c naapertorlugu issuaanernut atuutinngilaq. Imm. 1-imi aalajangersagaq atortuutinneqassanngilaq sulianut allanullu saqqummiussinissanut il. il. isumaqati-

giissutitigut patsisissaatitat tunngavigalugit tamanut atugassiissutaasunut taamaalilluuni taakku sumiiffinni piffissamilu aalajangersimasumi tamakkuninnga tikitsisinnaanngorlugit, tak. § 2, imm. 4, nr. 1, titarnerit aappaat.

§ 75 e. Piginnaatitaasumiit akuerineqaqqaartinnani ajornartitaassaaq

- 1) piginnaatitaanermik ingerlatsineq pillugu qarasaasiatigut paasissutissanik pīaanissaq imaluunniit allannguuteqartitsinissaq imaluunniit
- 2) assinginik siaruarterinissaq, suliat allallu saqqummiussassat il. il. assinginik tamanut siaruarterinissaq imaluunniit nuussuinissaq siunertaralugu eqqussuinissaq, piginnaatitaanermik ingerlatsineq pillugu qarasaasiatigut paasissutissat peerneqarsimatillugit imaluunniit akuersitseqqaarani allanngortinneqarsimatillugit.

Imm. 2. Imm. 1-imi aalajangersagaq taamaallaat atortuutinneqassaaq, iliuutsit pineqartut inummit, iliuuserisami suliamut allamulluunniit saqqummiunneqartumut il. il. inatsit manna naapertorlugu illersugaasussamut piginnaatitaanermik innarliisussaananeramik, innarliisinnaananeramik tamatuminngaluunniit isertuilerneramik ilisimaneqartunut imaluunniit ilisimaneqartariaqaraluartunut.

Kapitali 7

Inatsisit atortinniagaanerat

Pineqaatissiinerit

§ 76. Akiliisitaanermik pineqaatissinneqassaaq kinaluunniit piaarinaatsoornikkut mianersuaalliorujussuarnikkulluunniit

- 1) § 2-mik imaluunniit § 3-mik unioqputitsisoq,
- 2) §§ 65-*imik*, 66-*imik*, 67-*imik*, 69-*imik*, 70-*imik* imaluunniit 71-*imik* unioqputitsisoq,
- 3) § 11, imm. 2-*mik*, § 60-*imik* imaluunniit §§ 72-75-*inik* unioqputitsisoq,
- 4) § 38, imm. 6 malillugu naatsorsukkanik nassiussinngitsoq,
- 5) § 61, imm. 2 malillugu peqqussutaasunik unioqputitsisoq.

Imm. 2. Aalajangersakkanik imm. 1, nr. 1 aamma 2-mi taaneqartunik piaaraluni unioqputitsineq aamma sulianik saqqummikkanilluunniit aalajangersakkani pineqartunik assiliisoq imaluunniit tamakkua assinginik tamanut siaruarterisoq sakkortunerusumik pineqaatissinneqarsinnaavoq. Pissutsit peqqarniinnerulersitsisut pingaartumik pisinnaapput unioqputitsinerit inuussutissarsiornikkut pippata, pilersitsinikkut assinginilluunniit siaruarterinikkut inunnit tamanit pineqarsinnaalersitsinikkut pippat, tak. § 2, imm. 4, nr. 1, titarnerup aappaa. Peqqarniinnerusumillu pisoqartillugu ukiumi ataatsimi qaammatinilu arfinilinni isertitsivimmiisitaanermik paarnaarussivimmütitaanermilluunniit pineqaatissiineq annertusineqarsinnaavoq.

§ 77. Suliat saqqummikkalluunniit §§ 65-71 malillugit illersorneqartut Kalaallit Nunaata avataani saqqummigaappata taamatullu Kalaallit Nunaanni saqqummernissaat inatsimmut akerli-ussappat tamakku assinginik tamanut siaruuanissaminik siunertaqarluni piaaraluni mianersuaalliorujussuarnikkulluunniit eqqussisoq akiliisitaanermik pineqaatissinneqarsinnaavoq.

Imm. 2. § 76, imm. 2-mi aalajangersagaq imm. 1-imi aalajangersakkamik piaarinaatsoornikkut unioqutitsinernut taamaaqataanik atuutsinneqassaaq.

§ 78. Piaaraluneernikkut mianersuaalliorujussuarnikkulluunniit § 75 b aamma 75 c-mik unioqutitsisoq akiliisitaanermik pineqaatissinneqassaaq. Piaaraluni § 75 e-mik unioqutitsisoq akiliisitaanermik pineqaatissinneqassaaq.

§ 79. § 31, imm. 2 malillugu peqqussutini aalajangersakkanik unioqutitsinernut akiliisitaanissamik pineqaatissinneqarnissaq aalajangersarneqarsinnaavoq.

§ 80. Kalaallit Nunaanni eqqartuussisarnermik inatsit naapertorlugu, akiligassiinissaq inatsisilerituumut suliaqqunneqarsinnaavoq, peqqussutini malittarisassaniluunniit akiligassiinissaq tunngavissaqarpat. Unioqutitsineq naalagaaffimmit, Namminersorlutik Oqartussanit, kommunimit, kommunini nunaqarfimmilu aqutsisunit unioqutitsineruppat, naalagaaffik, Namminersorlutik Oqartussat, kommuni, kommunit suleqatigiiffiat imaluunniit nunaqarfimmi aqutsisut akiliisitaanissamut akisussaaffilerneqarsinnaapput.

Assuarliineq

§ 81. Unioqutitsinerit § 76, imm. 1-imi, § 77, imm. 1-imi imaluunniit § 79-imi pineqartunut ilaasut innarlisaagaasumit assuarliutigineqartassapput.

Imm. 2. Piginneqqaartuusup toqnerata kingornatigut § 3-mik aamma § 61, imm. 2 naapertorlugu peqqussutigineqartunik unioqutitsinerit piginneqaartup katissimallugu apparisaanit, suaasamigut kinguaamigulluunniit eqqarliinit qatanngutaanilluunniit aamma assuarliutigineqarsinnaapput.

Imm. 3. Piginneqqaartuusup toqnerata kingornatigut §§ 3-mik aamma 73-74-inik unioqutitsinerit aamma pisortanit assuarliutigineqarsinnaapput. § 3-milli unioqutitsinerit aatsaat pisortanit assuarliutigineqarsinnaapput kulturikkut soqutigisat unioqutitsinermi innarlisaagaasimarineqarpata.

Imm. 4. Imm. 1-imi aalajangersagaq apeqqutaatinnagu § 75-imik unioqutitsineq pisortanit assuarliutigineqassaaq.

Imm. 5. Unioqutitsinerit § 78-imi, tak. § 75 b aamma § 75 c, imm. 2, pineqartut, pisortanit assuarliutigineqartassapput.

Imm. 6. Unioqutitsinerit, § 78-imi, tak. § 75 c, imm. 1, aamma § 75 e, pineqartut innarlisaagaasumit assuarliutigineqartassapput.

§ 82. Unioqutitsinerit § 76, imm. 2-mi imaluunniit § 77, imm. 2-mi pineqartunut ilaasut aatsaat innarlisaagaasumit piumasaqaatigineqarpat assuarliutigineqartassapput, tamanut tunngassutillit assuarliuteqarnissaq piumasarissanngippassuk.

Taarsiissuteqarneq ajunngitsorsiasallu

§ 83. §§ 76-imi aamma 77-imi taaneqartunik aalajangersakkanik piaaraluneernikkut mianersuaalliorujussuarnikkulluunniit unioqutitsisoq akilissavai

- 1) Atuinermut naammaginatsumik akissarsiaqartitsinissaminut aammalu,
- 2) Unioqutitsinerup nassatarisaanik ajoqusuinerminut taarsiissuteqarnissaminut pisussaavoq.

Imm. 2. Taarsiissuteqartoqarnissamik aalajangiinermi, imm. 1, nr. 2 malillugu ilaatigut pineqartup annaasaqaatigisaa, unioqutitsisullu pisinnaatitaaffiginngisaminik iluanaaruteqarsimanera immikkut isiginiarneqassapput.

Imm. 3. Suliani imm. 1-imut attuumassutilinni, innarlerneqartup aningaasanut tunngasuunngitsumik ajoqusigaaneranut kajumissaaserneqarnissaanik aalajangiisoqarsinnaavoq.

Suujuunnaarsitsineq il.il.

§ 84. Suliat saqqummikkalluunniit assingi §§ 65-71 malillugit illersugaasut inatsimmut matumunnga imaluunniit § 61, imm. 2 malillugu peqqussutitut akerliusumik suliaasimappata Danmarkimullu eqqunneqarsimappata inunnillu tamanit pineqarsinnaalersinneqarsimappata eqqar-tuussutikkut aalajangerneqarsinnaavoq innarlisaagaasumut iluaqutissanngorlugit arsaarinnissutigi-neqassasut imaluunniit taassumunnga suliarinerini aningaasartuutaasimasunut akimuutaanngitsunik akilertillugit tunniunneqassasut.

Imm. 2. Arsaarinninnermut tunniussinermulluunniit taarsiullugu aalajangerneqarsinnaavoq assit taamaattut tamakkiisumik ilaannakortumilluunniit aserorterneqassasut allatulluunniit unioqqu-titsisumik atornerqarnissaminut iluaqutigineqarsinnaajunnaarsinneqassasut. Suliat assingisa eqqu-miitsuliornikkut aningaasarsiornikkulluunniit naleqarnerat pissusiusulluunniit allat isumagalugit ingasaginarinneqanngippat eqqartuussisut akuerisinnaavaat innarligaasoq taarsiiffigalugu kajumissaa-serlugulu suliat assingi saqqummersinneqartut inunnit tamanit pineqarsinnaalersinneqassasut.

Imm. 3. Imm. 1-imi 2-milu aalajangersakkat naqiterutitut ilioqqakkanut, assilissat naqiterutaannut, ilioqqaavinnut allanullu unioqutitsinikkut saqqummiinissamut iluaqutaasinnaasunut imaluunniit suliap saqqummikkalluunniit atornerqarneranut taamatulli atuutsinneqassapput.

Imm. 4. Imm. 1-3-mi aalajangersakkat ajunngitsumik isumaqaraluarluni suliat assinginik nammineq atugassanik pissarsisimasumut, imaluunniit ajunngitsumik isumaqaraluarluni § 11, imm. 3-mut akerliusumik assinginik pilersitsisimasut taamatulli atuutsinneqassanngillat.

Imm. 5. Imm. 1 aamma 2 malillugit illorsuit arsaarinnissutigineqarnissaat aserorterneqarnissaalluunniit piumasarineqarsinnaanngilaq.

Inatsisip atuuffii

Piginneqqaartussaaneq

§ 85. Inatsisip piginneqqaartussaaneq pillugu aalajangersagartai ukununnga atuutissapput

- 1) danskisut innuttaassuseqartut imaluunniit inuit danskit naalagaaffianni najugaqartut suliaannut,
- 2) sulianut siullermeerlugit danskit naalagaaffianni saqqummikkanut imaluunniit siullermeerlugit danskit naalagaaffianni nunamilu allami ataatsikkut saqqummikkanut,
- 3) filmilianut taakkua pilersitsisui danskit naalagaaffianni qullersaqarfeqarpata najugaqarpataluunniit,
- 4) illorsualianut danskit naalagaaffianniittunut, aamma
- 5) eqqumiitsulianut danskit naalagaaffianni illorsualianut sanaanulluunniit ilaliunneqartunut.

Imm. 2. Imm. 1, nr. 2-p atornerani suliaq danskit naalagaaffianni saqqummiunneqareerner-migut ullut 30 qaangiutsinnagit nunami allami saqqummiunneqarpata ataatsikkut saqqummiunneqar-tutut naatsorsuunneqassaaq.

Imm. 3. § 38-mi aalajangersagaq inuit nunami Det Europæiske Økonomiske Samarbejds-områdep iluaniittumi innuttaassuseqartut imaluunniit tassani imaluunniit Kalaallit Nunaanni naju-gallit suliaannut atuutsinneqassaaq.

Imm. 4. § 64-imi aalajangersagaq atuutissaaq tamanut saqqummiussanut saqqummikkanul-luunniit

- 1) inunnit nunami Det Europæiske Økonomiske Samarbejdsområdep iluaniittumi innuttaas-suseqartunit imaluunniit tassani imaluunniit Kalaallit Nunaanni najugalinnit, imaluunniit
- 2) ingerlatseqatigiiffinnit Kalaallit Nunaanni imaluunniit nunami Det Europæiske Økonomiske Samarbejdsområdep iluaniittumi qullersaqarfeqartunit.

Imm. 5. §§ 73-75 aalajangersakkat sulianut tamanut atuutissapput.

Pisinnaatitaaffiit allat

§ 86. § 65-imi aalajangersakkat atuutissapput

- 1) saqqummiussinernut danskit naalagaaffianni imaluunniit nunami Det Europæiske Økono-miske Samarbejdsområde-p iluaniittumi pisimasunut, aamma
- 2) saqqummiussinernut nipinillu immiussanut, imm. 2-mi aalajangersagaq naapertorlugu iller-sugaasunut.

Imm. 2. § 66-imi aalajangersakkat ukununnga atuupput

- 1) nipinik immiussanut, danskit naalagaaffianni imaluunniit nunami Det Europæiske Økonomiske Samarbejdsområde-p iluaniittumi immiussaasimasunut,
- 2) nipinik immiussanut, inunnit danskit naalagaaffianni innuttaassusilinnit imaluunniit najugalinnit imaluunniit nunami Det Europæiske Økonomiske Samarbejdsområdep iluaniittumi immiussaasimasunut, aamma
- 3) nipinik immiussanut, ingerlatseqatigiiffinnit danskit naalagaaffianni qullersaqarfeqar-tunit imaluunniit nunami Det Europæiske Økonomiske Samarbejdsområdep iluaniittumi immiussaasimasunut.

Imm. 3. § 67-imi aalajangersagaq atuutissaaq

- 1) assilissanik immiussanut Kalaallit Nunaanni imaluunniit nunami Det Europæiske Økonomiske Samarbejdsområd-ip iluaniittumi immiussaasimasunut, aamma
- 2) assilissanik immiussanut, inunnit, nunami Det Europæiske Økonomiske Samarbejdsområd-ip iluaniittumi innuttaassusilinnit imaluunniit tassani imaluunniit Kalaallit Nunaanni najugalinnit immiussaasimasunut, aamma
- 3) assilissanik immiussanut, ingerlatseqatigiiffinnit Kalaallit Nunaanni imaluunniit nunami Det Europæiske Økonomiske Samarbejdsområd-ip iluaniittumi qullersaqarfartunit immiussaasimasunut.

Imm. 4. § 69-imi aalajangersagaq atuutissaaq

- 1) radiokkut isiginnaarutikkullu aallakaatitanut danskit naalagaaffianni aallakaatitaasimasunut, aamma
- 2) radiumik isiginnaarummillu suliaqarfinnut danskit naalagaaffianni qullersaqarfartunit.

Imm. 5. Imm. 5. § 70-imi aalajangersagaq atuutissaaq

- 1) assiliivik atorlugu assinut inunnit nunami Det Europæiske Økonomiske Samarbejdsområd-ip iluaniittumi innuttaassusilinnit imaluunniit tassani imaluunniit Kalaallit Nunaanni najugaqartunit assilisaasunut, aamma
- 2) assiliivik atorlugu assinut Kalaallit Nunaanni imaluunniit nunami Det Europæiske Økonomiske Samarbejdsområd-ip iluaniittumi illorsualianut sanaanulluunniit ilaliunneqartunit.

Imm. 6. § 71-imi aalajangersagaq atuutissaaq kataloginut il.il

- 1) inunnit nunami Det Europæiske Økonomiske Samarbejdsområd-ip iluaniittumi innuttaassusilinnit imaluunniit tassani imaluunniit Kalaallit Nunaanni najugaqartunit pilersitaasunut, imaluunniit
- 2) ingerlatseqatigiiffinnit, Kalaallit Nunaanni imaluunniit nunami Det Europæiske Økonomiske Samarbejdsområd-ip iluaniittummi qullersaqarfartunit pilersitaasunut.

Imm. 7. Imm. 6-imi aalajangersakkat § 72-imi taaneqartutut tusagassiorfitsigut nalunaarutinut taamatulli atuutsinneqassapput.

Imm. 8. Imm. 1-imi aalajangersagaq apeqqutaatinnagu nipinik immiussinernik tamanik immi-ussinerit pillugit § 65, imm. 1-imi aalajangersagaq atuuppoq. Imm. 2-imi aalajangersagaq apeqqu-taatinnagu nipinik immiussanut tamanut kingornatigut iluarsinerit pillugit § 66, imm. 1 atuuppoq. Imm. 1-4-mi aalajangersakkat apeqqutaatinnagit saqqummiussinernut, nipinik immiussinernut, assiliivik atorlugu assilisanut kiisalu radiokkut isiginnaarutikkullu aallakaatitanut tamanut inuinnarnut assilisanik siaruarterineq pillugu § 65, imm. 2-4-imi, § 66, imm. 1-imi, § 67, imm. 1-imi aamma § 69, imm. 2-imi aalajangersakkat atuupput.

Radiokkut isiginnaarutikkullu satellitsikkoortumik aallakaatitanut immikkut aalajangersakkat

§ 87. Radiokkut isiginnaarutikkullu satellitsikkoortumik aallakaatitat danskit naalagaaffianni pisutut naatsorsuunneqassapput aallakaatitat inunnit tamanit tiguneqartussatut naatsorsuussat nuna-mi maani kipiffeqanngitsumik satellitsimut satellitsimiillu nunarsuarmut attaveqartut radiomik isigin-naarummilluunniit suliaqarfimmit nakkutigisaappata akisussaaffigineqarpatalu.

Imm. 2. Satellitsikkut aallakaatitat aamma danskit naalagaaffiannit pisutut naatsorsuuneqassapput aallakaatitat nunamit Det Europæiske Økonomiske Samarbejdsområd-imi ilaasortaan-ngitsumit aallakaatitaappata aammalu radiokkut isiginnaarutikkullu satellitsikkut aallakaatitat kabel-ikkullu aallakaatitseqqittarnermut atatillugu piginneqqaartussaaneq piginneqqaartussaaneermullu assingusumik pisinnaatitaaffiit pillugit ataatsimoorussamik aalajangersakkat Rådep peqqussutaani 93/83/EØF-mi 27. september 1993-imeersumi kapitali II-mi aalajangersakkat ilaannit illersugaan-ngippata, makkunatullu pisoqarpat:

1) Aallakaatitat nunamit maanngaaniit sakkortusaavikkoortumik satellitsimut ingerlatitaappata. Taamaappat §§ 2, 64 aamma 65-73 malillugit pisinnaatitaaffiit aallakaatitsivimmik ingerlatsisumut atuutsinneqarsinnaapput.

2) Sakkortusaavik nunami EØS-imut ilaasortaa-sumiittoq ator-neqanngippat aammalu radiomik isiginnaarummillu suliaqarfik nunami maani qullersaqarfeqartoq aallakaatitamik eqqus-sinngippat. Taamaappat §§ 2, 64, aamma 65-73 malillugit pisinnaatitaaffiit suliaqarfimmut atuutsinneqassapput.

Nunanut allanut il.il. naleqqiullugu inatsisip atortinneqarnera

§ 88. Isumalluutigeqatigiinnissaq siunertaralugu inatsisip matuma aalajangersagartaasa ator-neqarfissaasa annertussusaata nunanut allanut naleqqiullugu allisinneqarsinnaanera pillugu kultur-ministeri malittarisassanik erseqqinnerusunik aalajangersaasinnaavoq.

Imm. 2. Aammattaq sulianut siullerpaamik inuiaqatigiit akornanni kattuffinnit naqitertineqartunut aamma sulianut naqitertitaanngitsunut kattuffiit taamaattut naqitertissinnaatitaaffigisaannut ator-neqartussanngortitaasinnaaneri pillugit kulturministeri malittarisassanik erseqqinnerusunik aalajangersaasinnaavoq.

Imm. 3. §§ 17 a- 17 e-p nunaniit nunanullu Det Europæiske Økonomiske Samarbejdsområdip ilaaniittunut ilusunik pissarsiarineqarsinnaasunik eqquusuiner-mut avammullu niuerner-mut taamaaqataanik ator-neqarneri pillugit kulturministerit malittarisassanik aalajangersaasinnaavoq.

Kapitali 9

Atortuulersitsinermi ikaarsaariarnermilu aalajangersakkat

§ 89. Peqqussut atortilissaaq ulloq 1. januar 2019.

§ 90. Peqqussut aamma atortuutinneqassaaq sulianut saqqummiussinernullu il. il. Peqqus-sutip atortuulersinneqarnera sioqqullugu saqqummiunneqartunut.

Imm. 2. Peqqussut atuutissanngilaq iluaqutiginninnernut naammassereersunut, imaluunniit pisinnaatitaaffinnut inatsisip atortuulersinneqarfia sioqqullugu pissarsiaasunut. Suliat saqqummius-salluunniit il. il. assingisut sanaartukkat tamanut siammaatiterneqarsinnaallutik takutinneqarsinnaa-juassapput, piffissami taamatut siammaatiterinerup imaluunniit takutitsinerup akuerisaaffiani inatsi-sinut naapertuuttumik saqqummiussaasimagunik. § 19, imm. 2-mi aamma 3-mi aalajangersakkat taamaattoq tamatigut atortuutinneqartassapput attartortitsinermut atukkiussinermullu, inatsisip atortuulersinneqareerneratigut pisussanut.

Imm. 3. Suliamut imaluunniit saqqummiussinermut il. il. tunngatillugu piffissaq illersuiffissaq aalajangersakkanik nutaanik atuilernikkut aalajangersakkat maannamut atuussimasut malillugit piffissaliussaataasumiit sivikinnerulissappat aalajangersakkat tamanna tikillugu atuussimasut atortin-neqassapput. § 63, imam. 5-mili aalajangersagaq tamatigut atortuutinneqartassaaq.

§ 91. §§ 54-imi, 55-imi, 56-imi aamma 58-imi aalajangersakkat atortuutinneqassanngillat isumaqatigiissutinut 1. juli 2000 sioqqullugu isumaqatigiissutaasunut.

Imm. 2. § 65, imm. 5-mi aalajangersagaq aamma atortuutinneqassaaq isumaqatigiissutinut 1. juli 2000 sioqqullugu isumaqatigiissutaasunut.

Imm. 3. § 30, imm. 5-imi aamma § 87, imm. 2-mi aalajangersakkat isumaqatigiissutinut ulloq 1. januar 2000 sioqqullugu isumaqatigiissutigineqartunut atorineqassanngillat, aatsaat ulloq 1. januar 2005-imi.

Imm. 4. § 59-imi aalajangersakkat edb-iikkut programminut atuutissanngillat 1. juli 2000 sioqqullugu isumaqatigiissutaasunut.

Imm. 5. § 70-imi aalajangersagaq atortuutinneqassanngilaq assinut assiliivimmik assilisanut 1. januar 1975 sioqqullugu saqqummiussanut.

§ 92. Immikkut ittumik pisinnaatitaanerit inerteqqutillu inatsisit pisoqaanerusut naaper-torlugit tunniussat atuutiinnassapput.

/Mette Bock